

JEHOVAH-JIREH ³



Inamisang lihlooho tsa rōna nakoana thapelong.

A rea lebitso la tulo eo Jehova-jire: kamoo ho . . . bonoang . . . Thabeng ea MORENA ho fihlela . . . letsatsing lena.

² Ntata rona ea Leholimong, re motlotlo bosiung bona ho fuoa monyetla ona oa ho phutheha 'moho ka Lebitso la Morena Jesu, ho Mo rapela ka Moea oa tsoho ea Hae. 'Me re motlotlo haholo ho Uena, ka seo U seng u re etselitse sona, ka ho Itsebahatsa ka Lentsoe hara rona, le ka tsoho. 'Me litšepo tsa rona li hahiloe holimo-limo, Morena, hobane re a tseba hore—hore Molimo eo re mo sebeletsang hase molimo o itseng oa histori, empa Molimo oa lekhathe-le-joale, Ea tsohileng bafung, le ho kholisoa e le Molimo o neng le Moshe, le Abrahama, le baapostola bohle, 'me esale Molimo o le mong. Ebe moo rona . . . Re itenya le Eddie Perronet, joalo ka ha a boletse, "Tšepo ea ka ha ea thehoa holima letho ha e se Mali a Jesu le ho loka." Ka hona, re U leboha ka matšelisoa a maholo ana le tšelisoa eo re nang le eona.

³ Ntate, bosiung bona, e mong ha a le teng mona har'a rōna, bosiung bona, ea se nang tšepo e khōlō ena, ena e ke e be hora eo 'Nete e le 'ngoe e kholo ea Bosafeleng e tla senoleloa bona, Ntate, ba tle ba tsebe hobane lebaka la bona mona lefatšeng ha se feela ho—ho sebetsa. 'Me ke le leng la mabaka, ehlile. Empa lebaka la sehlooho ke ho ba mora kapa morali oa Molimo. 'Me hoo ho ke ho fete, bosiung bona. Aba sena, Morena.

⁴ Re hlohonolofatse joale re sa qoqa re teetse Lentsoe la Hau hare. Lentsoe la Hau ke 'Nete. 'Me Moea o Halalelang o moholo o nke Lentsoe la Molimo le ho re arolela Lona kamoo re hlokang, hoba re e kopa ka Lebitso la Jesu. Amen.

Le ka lula fatše.

⁵ Ke le boha ka monyetla oa ho khutla hape bosiung bona, le ho tobana le lona batho ba khabane hape ka Evangeli ena e tlotlehang. Re tsebisitse seo, joale, hosane hoseng sekolo sa Sontaha, kopano le balisa ba sebetsang 'moho ba na le sekolo sa Sontaha hantle mona. Ke nahana ho le hotle haholo. 'Me bongata ba bona bo ntšitse litulo likerekeng tsa bona 'me ba li tlisitse mona bakeng sa batho, 'me ruri ke ketso e khabane e tšepelang ho batho ho etsa ntho e itseng.

⁶ Re leboha Molimo ka boemo ba leholimo bo botle boo A re fileng bona. Ba itse re tla fumana lifefo le lintho, ka linako tsohle. Empa O thibetse lifefo, 'me ha re eso hlheloe ke mathata. Re leboha hoo.

7 'Me joale, bosiuung bona re neiloe...Re sa tsoa tšoara litšbeletso tsa tloaelo tsa boevangeli. 'Me ha re na le baeti... Ha re eso toboketse haholo holima batsalibe ho tla ho Kreste. 'Me ke nkile sehlooho bosiu ba Labone le fetileng, 'me ha ke eso se finyelle. Re bua ka Abrahama feela, 'me ha re eso fi therō le joale, ea *Jehova-Jire*. Ka hona re leka ho e phethela bosiuung bona. 'Me re tšepile Morena a tla pholosa motho e mong le e mong ea sa bolokehlang, le ho tlatša mang le mang ea sa tlatsoang ka Moea o Halalelang, bosiuung bona.

8 Joale e nahane ka kelohloko re sa le mona. 'Me e re re sa—re sa bua, bula pelō ea hau Moea o Halalelang o bue ka hare ho uena. Re etsang mona, leha ho le joalo? Nahana feela seo. Eng, bophelo ba hau e bile eng? U tletse eng mo? Na Molimo... Na u boemong boo Molimo o ka fumanang sohle—sohle seo A u behetseng sona mona, ho tsoa ho uena? Haeba ho se joalo, re ke re e batalatse bosiuung bona, metsoalle. Ke e...

9 Ke—ke na le metsoalle e meng e hlahlileng mona, e tsoa kerekeng ea ka. Ba bang ba... E mong oa literaseti, kea tseba, le baena ba babeli kapa ba bararō. Ke sa tsoa ellelloa lelapa le lecha le lutseng mona, bosiuung bona, Palmer o tsoa nqa e 'ngoe, ho khanna limaele tse makholo a 'maloa ka Sontaha se seng—le se seng ha ke bua Indiana. 'Me Mongh. Welch Evans le lelapa la hae ba teng mona nqa e 'ngoe. Ha ke tsebe kae feela. Ke... Kajeno, esale ke bala, mohlomong letšoare lohle, 'me ka utloa mantsoe a bona ka ntle mono ka ntle. 'Me ka—ka tseba hore ba haufi.

10 Joale, hosane, hosane ka hora ea bobeli. [Motho o re, "Ea bobeli."—Mohl.] Ka hora ea bobeli, hosane, tšebeletso eohle ea hosane thapama e khdetheloa bakuli, bakeng sa thapelo ea bakuli. Joale, batho ba bangata ba e bitsa tšebeletso ea pholiso. Be, hantle-ntle ha re rate ho lebisa ho eona joalo. Hobane, ha re e bitseng tšebeletso ea tumelo. Ka hona, haeba tumelo ea rōna e ka fihla lethebeng leo, ka mora hoba A tsebahatsoe har'a rōna, le ho tseba sohle se pelōng ea rōna, le ho re pakela eona, le a bona, hore O a phela, le ho e tiisa ka Lengolo.

11 Na le lemohile kamoo A tšehelitseng Lentsoe ka leng, ka Boteng ba Hae bo phelang? [Phutheho e re, "Amen."—Mohl.] Ua bona? Ua bona? Ua bona? Joale, hoo ho supa u sa tlameha ho nahana re mpa re leka ho bua ntho eo e leng mofuta oa ntho ea tšomo. Seo Bibehe ena e se tšepisitseng, ke 'Nete. Ua bona? Joale Lentsoe le leng le le leng ke 'nete.

12 Joale, mohlomong ha ke na tumelo e lekaneng ho phethisa Lentsoe le leng le le leng la Eona, empa ruri nke ke ka sitisa motho ea nang le tumelo eo. Henohe o bile le tumelo e lekaneng, tsatsi le leng, ho tsamaea thapama a ntse a itsamaela le Molimo, 'me a tsoelapele feela ho tsamaea, o nyolohetse Hae a sa ka a shoa. Joale, ke kholoa Kereke e tlameha ho finyella hoo,

tumelong ea Hloibilo. Mohlomong ha ke na tumelo eo hona joale, empa ruri nke ke ka ema tseleng ea motho ea nang le tumelo eo.

13 Ka hona, re tšepa Molimo o tla re fa tumelo e kholo, 'me, hosane ho se be le motho ea tšeremang ka mohahong, ha ba feta ho rapelloa. Re tla e lumela feela. 'Me joale ha re ka e lumela! Joale, ke e bone hangata!

14 Ke bone mohla likete tse mashome a mabeli a metso e mehlano, nahanang feela joale, e seng makholo a mashome a mabeli a metso e mehlano, lipholisiso tse likete tse mashome a mabeli a metso e mehlano tse tsoileng ka mahetla li etsoa ka thapelo e le 'ngoe: Durban, Afrika Boroa. Li laetse, ha ke tsebe hore na ke livene tse kae tse kholo, tseo lona. . . Tse peli tsa tsona li ka tlatsa ntho ena kaofela ka *mona*, ho nka se kentsoeng ka moo, vene e kholo ea Borithane, mabili a tšeletseng le a robeli holim'a tsona, joalo, vene ka mor'a vene feela, ba theoaha, ka melamu le litulo tsa bakuli, kapa seo ba se bitsang litulo tsa bakuli, ba jere linthoana tseo ba jere bakuli. Le ho theola ka tsona har'a moru. 'Me tau e ne e ba sala morao, ba ne ba ngoarapella holim'a sefate. 'Me ebe ho tluoa kopanong. Le ho bona feela, kalaneng, moshanyana.

15 Oa pele ea fihlileng kalaneng e ne e le—e ne e le mosali. 'Me e le Mohammede ea ts'oauoeng, ka letheba le lefubelu lipakeng tsa mahlo a hae. 'Me ka 'motsa haeba a buile Senyesemane. 'Me a re, "Hanyenyane feela."

'Me ka re, "Ke a bona u Mohammede, Mohammede."

A re, "Ee."

16 Ka re, "U tlela'ng ho 'na, athe ke Mokreste? Hobane'ng u sa ee ho moprista oa hau?"

A re, "Ke lumela u ka nthusa."

17 'Me ka re, "Be, nke ke ka u thusa, haese, ha u lumela ho Jesu Kreste."

'Me a re, "Be, ke bone litšebeletso."

18 Matsatsi a mararo feela mono. Ra fumana, ba ka bang likete tse makholo a mabeli ba lutseng mohlang oo, sebakeng seo. Ka baka leo ka hona ba ba thibella, hoba ba ne ba loana lintoa tsa merabe, le hape.

19 'Me ka re, "Be, joale, u tlameha ho lumela ho Jesu Kreste." 'Me ka re, "Na u kile ua bala e—e Testamente e Ncha?"

A re, "Ke entse joalo."

20 Ka re, "U nahana'ng ka Molaetsa oo ke sa tsoa o hlahisa, mabapi le Eëna e lemng oa maobane, kajeno, le kamehla?"

A re, "Kea e lumela."

21 'Me ka re, "Joale haeba Morena Jesu a ne a phela kajeno, O se a u folisitse. Ho latela mahlomola a Hae, e se e bolokehile. Empa u tla tlameha ho ba le tumelo. 'Me hola A le teng mona, O ne a

tla tseba hore na u mang. O ne a tla tseba seo u se entseng. O tla tseba tsohle ka uena. U lumela seo?"

A re, "E, monghali."

²² Ka re, "Ha A ka senola seo, na u lumela ho Eena, ke hona, E tla be e le Mora Molimo, 'me o tsohile bafung, 'me o phela mona joale kamehla? Moea oa Hae ka ho 'na, le Bakreste bana ba bang?"

A re, "Kea e lumela."

²³ Ke itse, "Seo u leng mona ka sona . . . Monna oa hau ke monna ea mokhutšoane, ea litho. Litelu tsa hae li ntšo. Liveke tse peli tse fetileng, u ne u le ngakeng. Lebitso la hau ke lena." Ke sa khone ho ngola, ke sa khone ho le bitsa. Ke ile ka tlameha ho le peleta. E ne e le lebitso la Mohammede.

A re, "Ke hantle."

²⁴ 'Me ka re, "Hape, 'me monna oa hau o ne a letilke ka holong. O ne a apere sutu e putsoa le katiba e sootho." Ke itse, "Ngaka e ne e batla e le monna e molelele, a le mosesaane, a roetse likhalase tse khōlō tsa khetla. O ile a u etsa tlhahlobo ea botšehali, 'me a o fumana u na le hlahala ka hara popelo."

A re, "Ke 'nete."

Ka re, "U amohela Jesu e le Mopholosi oa hau?"

A re, "Jesu Krete e be Mopholosi oa ka."

Ea latelang e le moshanyana ea pelekaneng mahlo.

²⁵ 'Me ba tla lumella feela limishinari ho ea, ho ntša a le mong kapa ba babeli molokong o mong le o mong. U ke ke oa khona ho ba thibela, ho hang. Ka baka leo, ba ne ba hlophisitse makholo le makholo a lebotho a lekang ho ba thibela, 'me ba sitiloe.

²⁶ 'Me ka hona moshanyana enoa, ea mahloana a pelekaneng, ba mo lulisa holim'a kalana, bohole *boo*.

²⁷ 'Me holim'a kalana, mehalalitoe e meholo eo ea Calla. Lōna barali ba mona, ba kang lipalesa! Tse ling tseo tsa likhahla tsa Calla mono li bophara ba lisenthimithara tse leshome le metso e robeli; bosehla, li bosoeu, li ntle. 'Me ba ne ba ena le eona. Li hlaha feela. Masihla a lipalesa a lutse hohle.

²⁸ 'Me ke ne ke bua. Ba emisa moshanyana e monyenyanane. Moromuoa a mo emisa. 'Me mothoana eo a pelekane mahlo. A sa tsoa ja tinare.

²⁹ Ka linako tse ling tsa bona—lijo tsa bona li qabola haholo. O ne a nkile. . . Ba nka lesibanyana 'me ba tlhotlela methapo ea khomo, kahara seo ba se bitsang e—e nkho. Ke khetsana, letalo le roketletsoeng hammoho, le ho lumella e—e mali, mali a chesang, ho phallela ka mono. Le ho hamela lebesana ka ho lona, le ho le fehla, ho etsa e—e lollipop e monate.

U ke ke oa batla e 'ngoe ea tsona, na ha ho joalo, moratuo? Che.

³⁰ Ka baka leo, empa, eena, ke seo esale a se ja. 'Me mahloana a hae a ne a pelekanane. Ka re, "Joale, mang le mang a ka bona, o tla tseba bothata ba ngoana. Mahlo a hae a pelekanane. Haeba nka thusa ngoana eo," Ke itse, "Ka sebele ke ne ke tla e etsa. Empa ke—ha ke e khone, ho feta mang kapa mang." Ka re, "Haeba ngaka e ka khona, khele, haeba e sa etse, joale e ka ba ntho e mpe e tsoa pelong ea ngaka, holane a ka le thusa." Ka re, "Le se hopole ba ka e etsa ka mokhoa ofe nakong ena."

³¹ Ka re, "Empa, joale, Morena a ka ntšenolela mabapi le lesea." 'Me eaba, E re, "Lesea, ntatae le 'mae ke bathoana ba ba sesane." E ne e le . . . E ne e le moZulu, 'me ka tloaelo ba litho. Ka re, "Ke bona bana ba lutseng hantle mona joale. Lebitso la bona ke *sekete-kete*." 'Me ka re, ka hona, "Lesea le tsoetsoe ka mahlo a pelekaneng. Hobane, 'mè . . . Ba tsoa ho . . . Ba lumela Bokreste, hobane kahara nthoana, motlotloana oo, ho kentsoe setšoantšo sa Krete, se leketlile letsohong le letona la leboata."

³² 'Me ka re, "Me lesea, hang hoba 'mè a bontše ntate lesea, le ne le pelekanane mahlo." Ntate le 'mè ba ema, ho netefatsa hore hoo ho ne ho nepahetse. Ke ile ka hetla morao ho leseanyana, mahlo a hae a ne a otlohile joaloka a ka.

³³ Kahoo ke ile ka re, "Joale, u a bona, Morena," ke itse, "Ha ke eso fihle maotong a leshome a lesea, lesea le folile."

Ho e fetisa feela. 'Me ka bitsa ea latelang.

³⁴ 'Me ha e etsahala, ka utloa moferefere. Ngk. Bosworth le Ngk. Ern Baxter, batsamaisi ba ka, ka kopanong, ba ne ba ngangisana le motho e mong, 'me ke . . . hoa hlaha moferefere. Thaka lena le ne le leka ho hloella kalana, kapa ho leka ho nyolohela mono. 'Me mono keha ho lutse lingaka tse 'maloa, lingaka tsa meriana li lutse mono. Ka hona ngaka ena ea meriana, a—a re, o ne a bua. A re, "Ke batla ho bua le eèna ka lesea leo."

Ka retoloha, ka re, "Molato ke'ng, ngaka?"

A re, "U tsebile joang hore ke ngaka?"

³⁵ 'Me ka re, "U ngaka. U a . . . U holetse, Engelane. U ngaka ea Brithane." Le ho 'molella moo a keneng sekolo teng.

³⁶ A re, "Joale, Mongh. Branham, ke utloisisa moo bokhoni ba ho bala kelello bo ka—bo ka balang kelello ea ka."

Ka re, "Ha ke bale mohopolo oa hau, ngaka."

³⁷ 'Me a re, "Empa seo ke sa se utloisiseng. . . ." A re, "Ke lumela hore Molimo o teng. 'Me kea tseba sekhahla seo se ke ke sa phela mono kantle ho Molimo," a re, "hobane se na le bophelo ka ho sona." A re, "Empa na A ka anngoa? Ka beha lesea leo kalaneng. Ka le hlahloba. Mahlo a lona a ne a tsepame hantle mono. 'Me ke

lena lesea joale ka mahlo a otlolohileng. E entsoe ke'ng, Mongh. Branham?"

Ka re, "Jesu Kreste."

³⁸ 'Me a re, a re, "Be, joale sheba," a re, "ke lumela ho Molimo." A re, "Empa ke batla ho u botsa potso, joaloka moreri joale. Na u loile lesea leo?"

³⁹ Ka re, "Mohlomphehi, 'me u re e—e Mokhatlo oa Borithani o u file laksense ho hlakisa moriana, 'me ha ba tsebe letho ka boloi ho feta moo? Haeba boloi bo tla otlolla mahlo a masea, u lokela ho sebelisa boloi." Le a bona?

'Me a re, "Be, mpoelle se e entseng."

Ka re, "Jesu Kreste."

A re, "Sheba," ho re, "kea lumela. Ke itse Molimo o ka har'a khahla eo."

⁴⁰ 'Me Mongh. Bosworth a re, "Joale, mona u tlil'o qala moferefere." Hobane, ba ne ba ena le khethollo, le bona, mono, le a tseba.

⁴¹ 'Me ka re, "U ea tsamaea . . ." Joale, ntoa ea merabe. Ke itse, "U tla qala moferefere hona joale. O se ke oa etsa seo." Ka re, "U qeta nako e ngata ho lesea leo."

⁴² 'Me ka re, "Seo u tlamehang ho se etsa ke sena. Lesea le ne le eme mono. U le behile kalaneng. Tumelo ea lona, le tumelo ea 'mè, ka ho le bolela seo, e folisitse lesea. Mahlo a lona a ne a pelekane mono, ha le eso nkame, leha e le ho ba haufi le 'na, kapa ntho efe feela. Ke eso shebe le ho bona lesea, ka hetla morao phuthehong, ka bona pono, ho bolela seo e neng e le sona, le ho hetla morao, mahlo a lesea a ne a otlolohile."

⁴³ 'Me a nyoloha a kena tlasa 'maeke o moholo oo oa tepo. A re, "Ke amohela Jesu Kreste joalo ka Mopholosi oa ka." Le a bona?

⁴⁴ Ha ke tloha Durban, a tloa terata, moo bongata, batho ba ka bang leshome, likete tse mashome a mabeli ba le kantle mono ho re lumelisa ha re tsamaea, 'me . . . Kapa, ho tloha (e seng Durban, ke masoabi) Johannesburg. 'Me a tlolela kantle, 'me a ntšoara thekeng, *tjena*, 'me a mpoellela hore o tlohetse mosebetsi oa hae motseng, 'me o fetetse tšimong ea borumuoa, joalo ka moromuoa oa bongaka ho batho. 'Me eare a sa bua le 'na, a qala a bua ka lipuo lisele, a ntse a bua le 'na. Ke 'nete, ngaka ea meriana, Anglican, Anglican.

⁴⁵ Ea latelang tlase mono e le moshanyana, kapa mohlankana. A . . . Ha ke na ho ba le nako ea ho kena ho eona. Ke . . . O ne a le joalo, eena—o ne a lokela ho tsamaea ka matsoho le maoto, joalo. Ba ne ba kentsoe ketane molaleng, joalo ka ntja.

⁴⁶ 'Me ka re, "Khele, uena . . ." Thaka leo la batho, haeba motho a ka mo thusa, a sa e etse, e tla be e le motho ea pelo e khopo haholo. Ka re, "Ehlile, joale, nke ke ka mo folisa, mang le mang

o tseba seo. Nke ke ka mo folisa. Nka bua feela ha Morena a ka mpontša se etsahetseng, kapa se bakileng hoo, kapa ho hong. Hobane pholiso e se e lefiloe.”

47 Joale, ke batla lona batho mona, ba kulang, le elelloe seo. Pholiso e se e lefiloe. U se u folile. Ke khaello ea tumelo feela. Tsohle li ka etsetsoa ba lumelang. U tlameha ho lumela seo feela joale.

48 'Me ka hona re fumana mothoana enoa . . . thaka lena mona, ka—ka re, “Mo nyollege mona.”

49 'Me ba ne ba mo hula ka ketane. 'Me a nahana, joale, ka linako tse ling merabe e batla ho etsetsa bahahlauhi mesoaso. 'Me ba etsa motjekonyana, le a tseba, motjekonyana oa morabe, ho fumana likhoine ho tsoa ho bahahlauhi. 'Me a nahana hore ke batla hore a etse motjeko. Moshanyana a bile a sa loka kelellong. 'Me, yaa, nke ke ka bua har'a letšoele le tsoakaneng lena, hobane ha ba apara liaparo, lea tseba. Basali ba bona, banna, le bohle, ba feela. Ka hona ba—ba mpa feela . . . mohlomong sefaha, kapa ho hong. Empa o ne a tsamaea ka matsoho a hae le maoto, 'me keha ho tšabeha feela. Ka baka leo ke hona ka . . . Ba mo tšoara ka lehlaahlela, ka tsela *eo*, 'me ba mo nyolla; ba e thatela molaleng oa hae, ba mo tataisa. 'Me o ne a leka, ho re, “A-ba-ba-ba.” Ke ile ka leka ho etsa hore a utloisise hore e ne e se seo ke neng ke se batla. ke . . .

50 “Mofetoleli oa Sezulu,” Ke itse, “joale bua mantsoe. 'Molelle hore a eme 'me a lumele feela.”

51 'Me a ncheba *joalo*. 'Me—'me ka re, “Joale, moshanyana ke eena . . . Esale a le joalo ho tloha e sa le mothoana feela.” Ka re, “Seo a hlileng a leng sona . . . Seo a se nahanneng joale, ke moena oa hae. Moena oa hae o ne a kaletse ntja e tšehla, kapa pōli. O ile a oa.” 'Me ka re, “A ikholofatsa. O ikokotlela ka melangoana e mebeli.” 'Me ka re, “Joale, ke bona mohlankana a folile. Eèna, o lahletse melangoana ea hae koana.”

52 Nakong e batlileng ho ba eona eo, ho nka metsotso e mashome a mabeli ho ba khutsisa. Moshanyana o ne a lutse bohole ba liboloko tse ka bang tharo tsa motse ka ntle mono, tlase ka tsela *eo*. Ke enoa a etla, a tšoere melamu matsohong a hae, a matha ka lebelo la bokhoni ba hae. O ile a fola, tlase *mono*, mohla mofetoleli eo oa SeZulu. Litoloko tse fapaneng tse leshome le metso e mehlano li emeng mono. U bua lentsoe, u tlameha ho ema ho fihlela le feta har'a bafetoleli. Ke enoa a etla, a roetse melamu hloohong ea hae, ka mokhoa *oo*. O ile a folisoa.

53 'Me—'me eaba ke—ke a qamaka. Ka ntoo lemoha, hape, ke mo shebile, ka 'mona a eme. Ke pono eo. Ha ho letho le tla thibela ntho eo. Che. E feile lekhatheng leo, le a bona; ho emela lentsoe feela.

54 Joale, shebang. Mantaha ona o tlang ke tla be ke le lilemo tse mashome a mahlano a metso e mehlano. Ke letsatsi la ka la

tsoalo. 'Me ke bone lipono ho tloha ke le moshanyana. Ha ke eso bone e 'ngoe ea tsona e hloleha. 'Me ke tla botsa mang kapa mang haeba ba kile ba bona e 'ngoe, e boletsoeng, e kileng ea hloleha. E ke ke ea hloleha. Ke Molimo.

⁵⁵ Ka hona, eaba ke a e bona. Eaba ke a nahana, “Monyetla oa ka ke oona joale ho fumana . . . ho—ho memela aletare ea ka. 'Me ka 'mona a eme. Ka tseba hoba o tla fola, hobane, le a bona, e se e bonahalitsoe. E tlameha ho ba joalo. Ke seo pono e se buang. Ke se lokileng hantle.

⁵⁶ Ke ba bakae ba tsebang hore lintho tseo ke 'nete? Sena, hore baeti ba se bone. [Phutheho e re, “Amen.”—Mohl.] Ke 'nete. Le ka mohla, ha e hlōlehe. Molimo haesale a e lokisa.

⁵⁷ Ka nahana, “Nako ea ka ea memo ea aletare ke ena.” Ke itse, “Joale, moshanyana enoa mona, ha ke khone ho mo folisa. Empa ha matla a Molimo a mpontšitse pono, joale e tla fola. Joale, haeba a sa fola, joale ke tla be ke le moporofeta oa bohata. Empa haeba a ka fola, ke ba bakae ba lona kantle mono ba tla amohela Krete e le Mopholosi oa bona?” Kea kholoa, mono, ho le likete tse leshome tsa Mohammedans.

⁵⁸ Ke sa tsoa bua, matsatsi a 'maloa pele ho moo, le monna ea hlalefileng. Ho re, “Khau e bokoang eo!” Le a tseba, ba tsoa ho Bamede-le-Bapersia ba bohoholo. Ha ba fetohela kapa ho fetola. U ke ke oa fetola le leng la mathaka ao.

⁵⁹ Ka hona, 'me e le bao, ba lutse mono. E mong oa basali ba Mohammede a sa tsoa amohela Krete, 'me hoo ha ba susumetsa. 'Me mora oa Mahatma Gandhi o ne a le teng.

⁶⁰ Kahoo, mono ho Ire—ho le moshanyana enoa. 'Me ka re, “Ema ka maoto a hau. Jesu Krete o a u folisa.” Ho lokile, a leka ho, “Ug-ug-ug,” joalo. Ka tloha ka ea koo ka tšoara ketane letsohong la ka. Ka re, “Ema. Jesu Krete o a u folisa.”

⁶¹ Joale, Bible ke ena. 'Me haeba bohle le tseba se hlahileng masiung ana a 'maloa a fetileng, nke ke ka iteta sefuba ho bua eng kapa feela e phoso, tabeng ena.

⁶² Mono, moshanyana eo o ne a hlokoletse joalo, a tsamaea, mokotlo oa hae o honyetse ka hare, joaloka pere e semena. Matsoho le maoto a hae; matsoho a hae a le matsoabali joalo ka maoto a hae, ka lebaka la ho tsamaea. Khetlo la pele bophelong ba hae, a ema ka maoto a hae. Likeleli tsa rothela mpeng ea hae e ntšo, ka mokhoa oo, li ne li phalla feela, joalo. A sa folisoa feela, empa le mohopolong oa hae oa tlhaho. Ua bona?

⁶³ Ka bona, ka re, “Joale ho lona bohle ba tla lumela, ba ke ba lumele joale ke sa tla rapela. Ke batla ho tseba hore ba bakae mona,” ka re, “ba tla amohela Krete e le Mopholosi?” 'Me ea ka leotle. 'Me ba ngolisa batala ba aparang likobo ba likete tse mashome a mararo, ba neng ba sa tsebe letsoho le letona ho le le letšehali, ba tla ho Krete.

64 Ke sa hopola ke bua mane Kiwanis, nakoana e fetileng. 'Me hape ke hopola mothaka ea ntlhomamisitseng kerekeng ea Missionary Baptist, o ne a soma kamehla. Ka re, "Seo Bap- . . . Seo le se bitsang bohlangya, ua bona, se hapetse Kreste meea e mengata horeng e le 'ngoe, ho feta mashome a likete a lidolara tseo kereke ea Baptise e li kentseng ho baromuoa mono.

65 Re ba fumane ba le joang? Koana, ba qhoatsoe joaloka Mokreste, *tjena*, 'me ba jere molingoana matsohong a bona. "Haeba Amoyah. . ." *Amoyah* e bolela "matla a sa bonoeng," joaloka moea. "Haeba e hloleha, *sena* se ke ke sa etsahala." Ao ke matla a eona. 'Me moo ka bona matsoalloa a kobo a likete tse mashome a mararo bna nehela bophelo ba bona ho Kreste.

66 'Me ba ea melokong kantle mono, ba hapela metsoalle ea bona ho Kreste. 'Me ka etsetsa sehlopha sohle thapelo e le 'ngoe. 'Me lihora tse ka bang 'ne ho tloha moo, Sidney Smith, ramotse oa Durban, Sidney Smith, ramotse oa Durban, Afrika Boroa, o ile a ntetsetsa mohaleng. Etsoe, mosali o ne a ile a shoa, bosiu pele ho moo, le ho biletsoa, ho rapela. 'Me o ne a le kōpanong, a phela. 'Me ka hona, ha ho le joalo, o ne a amana le Sidney Smith, 'me a hlile a nyakalletse.

67 'Me eitse ha sena, a re, "E-ea fesetereng ea hau u shebe, ho theohang ka seterata." 'Me ha fihla livene tseo tse kholo, li tletse feela. 'Me matsoalloa a neng a le libetheng tseo le literechara, hoseng hoo, ba ne ba tsamaea ka morao, ba phahamisitse matsoho a bona, ba lla, ba bina ka puo ea bona, "Lumela feela. Lintho tsohle lia khoneha." 'Me ha ho sa le nto a har'a bona, mola feela ka mor'a mola o theohang mono. Literaka li tsamaea joalo, 'me mapolesa a felehetsa, le borikisho ba ne ba tlameha ho matha hohle, joalo. *Lumela Feela*.

68 Joale, haeba matsoalloa a likobo a sa tsebeng letsoho le letona ho tloha letsohong le letšehali a ka amohela seo, ho ka thoe'ng ka rōna? Le a bona? Le a tseba hobaneng? Ha ba e-so topeloe thuto ea mofuta ofe. Le a bona?

69 Re fumane motho e mong le e mong. Ngk. *Sekete-kete* o re, "Ke bohlangya." E mong enoa o re, "Ke ho bala mohopolo." Sena se re, "Ha ho letho ho eona." Sena se re, "Ke liabolosi." Ha u tsebe seo u ka se lumelang. Ke ka hona ho leng thata. Sebaka se thata ho fetisa ho tšoara litšebeletso tsa pholiso ke har'a U.S.A. Ke hantle.

70 Mono, bao ba koana, ha ba tsebe letho ka eona. Ha ba eso utloe letho. U a ba bolella. Ba itšoanela le ngoana feela. Ba e amohela 'me ba e lumela, ke bao ba tloha.

71 Morena a re thuse joale. Joale, khetlo le leng hape feela ho rapela. Re ke ke ra rapela haholo, ke ntho e le 'ngoe eo. Bible e boletse, "Eka batho ba ka rapela hohle, ba phahamisitse matsoho a halalelang."

72 Re amohele, Morena, kopanong ea Hau mona, re sa ineela ho Uena, setsoalle sa Lentsoe la Hau, hoba U Lentsoe. Re kopa ka Lebitso la Jesu, bua le lipelō. Amen.

73 Re setse Abrahamama maobane bosiu ka . . . Re qalile le eèna, le koana khaolong ea 22 ea Genese, moo a neng a nyehela mora oa hae ea mong, papiso ea Molimo o fanang ka Mora oa Hae. Re qalile morao mohlang oo, ra oela morao ho mo lata hape, bophelo ba hae, 'me ha re e-so ho tlohe ho bona le joale. Re mo siile, maobane bosiu, khaolong ea 16 kapa ea 17. Kea kholoa, khaolo ea 15 ke hona moo re mo siileng teng. 'Me re tla leka ho e phethela bosiu bona, hobane ke tšoare molaetsa oa pholiso ea Khalalalelo, ha Morena a ratile, oa hosane thapama.

74 'Me joale molisa e mong le e mong o a mengoa. Tlisa phutheho ea hau. Tloo koano u eme le bona bakeng sa thapelo.

75 Joale ka linako tse ling re elelloa Jesu a entse lintho, 'me ka linako tse ling O etsa lintho . . . U re, "Hobaneng A ka lumella lintho tsena ke hona, Moena Branham? Hobaneng A ka lumella lintho tsena ho ba joalo?" Ka linako tse ling e etselitsoe ho leka tumelo ea hau, hangata. Rona . . . 'Me O etsa lintho tse makatsang. Hobaneng A sa tsoe 'me a re, "Ke *Sena*, 'me ke *Sane*." Ha A ka a etsa joalo le ho qaleng. Ua bona, O e etsa ho leka tumelo ea hau.

76 Shebang, baprista ba hopotse A tla theoha a bua le Kaiafa, moprista e moholo. Empa O tsoetsoe joang? Ka sejong. Le ho latoloe ke ba Hae ka Sebele le ba malumeli a Hae matsatsing ao.

77 Joale re a fumana, ka mohla o mong, Jesu o a bua. Ke rata ho shebella qotsonyana e le 'ngoe mona eo ke ratang ho e hlahisa. Jesu o na le letšoelehali ho Mo pota-pota, 'me ha bonahala ba le ba bangata haholo, ka hona hlokomela seo A se buileng. "Ekare ha le sa je nama ea Mora motho, la noa Mali a Hae, ha le na Bophelo." Joale u nahana hore ngaka ea meriana, kapa motho ofe ea hlalefileng, ba ka nahanang ha ba utloa ka Monna ea nang le lebitso la bonyatsi le haholo joaloka molotsana ho batho ba letsatsi leo, ho ema le ho hlahisa e—e qotso e kang eo, "Ekare ha le sa je nama ea Ka la noa Mali a Ka"?

78 Khele, ba ne ba tla re, "Monna eo ke senoamali sa motho. Khele, khili! 'Ho noa Mali a Motho, le ho ja nama ea Hae'? Lona phutheho tlohang ho Monna ea hlanyang joalo."

79 Ha A ka a e hlalosa. Ha A ka a e hlalosa. O ne a sa tlameha ho e hlalosa. Ke hantle. O ne a batla feela ho bona hore na ba na le tumelo ea mofuta ofe.

80 Ua bona, uena, ha u lumela, u a lumela, ha ke tsotelle seo motho a se buang. Haeba ke rapelletse batho ba likete tse hlano bosiu bona, 'me likete tse hlano kaofela li shoa bosiu bona, hoseng ke tla 'ne ke rapelle bakuli. Ua bona? Ke seo Molimo o se buang, ke sona se bohlokoa. Ha se seo batho ba se etsang. Ua bona?

81 'Me, Molimo, O—O itse, “'Me ekare ha le sa je nama ea Mora motho, le ho noa Mali a Hae, ha u na Bophelo ka ho uena.”

82 Be, khele, batho bao, sehlopha seo sa bohlalefi, khele, khele, ba itse, “Tlohang ho Monna eo. O a hlanya. Ke monna ea hlaha. Khele, Ke senoamali sa motho, 'ho ja' 'mele oa Monna eo.” Joale, ha A ka a e hlalosa.

83 Joale A e na le bareri ba mashome a supileng ba khethiloeng le Eena. A hopola A na le letsoele le ngata mono, eaba e—e letsoele le tloha ho Eèna. Ka hona A beile bareri ba khethiloeng mono, bao A ba rometseng kantle, ba mashome a supileng. A re, “Le tla reng ha le bona Mora motho a nyolohela Leholimong moo A tsoileng teng?” Joale, ha A ka a e hlalosa le ka mohla.

84 'Me bareri bao ba itse, “Monna enoa o nyolohela Leholimong moo A tsoileng teng? Khele, rea Mo tseba. Re tseba 'mè oa Hae. Re fihlile setaleng moo A hlahetseng teng. Re bone bethe eo A koielitsoeng ho eona. Re tsoasa lihlapi le Eèna. Re robotse kantle mona mabopong le Eèna. 'Me Mora enoa oa motho o 'nyolohela moo A tsoang teng'? O tsoa Bethlehem. Taba ee e kae, 'ho nyoloha'? Taba eo e a re imela.” 'Me ba Mo furalla. Ha A ka a e hlalosa. Le ka mohla.

85 O ne a sa tlameha ho hlalosa letho. Molimo ha o a tlameha ho hlalosa letho. Ke Molimo. O e etsa feela, hoba O e tšepisitse. Ha O e hlalose.

86 Eaba ho sala ba Hae feela ba leshome le metso e 'meli. 'Me A reteleha a ba sheba, ho re, “Ke khethile ba leshome le metso e 'meli ba lona, 'me e mong oa lona ke liabolosi.” A re, “Na le batla ho tsamaea, le lona?”

87 Petrose a bua mantsoe ao a maholo, “Re ka ea ho mang, Morena? Hoba re tiile hobane U tsoere Lentsoe la Bophelo.” Ba E bone e netefalitsoe ka ho hlaka; ho sa tsoetelehe seo baprista ba se buileng, seo mang a se buileng. Ba tsebile hantle mono, hore, O ne a tsoere Lentsoe la Bophelo. Ho re, “U tsoere Lentsoe la Bophelo.”

88 'Me joale rea eelloa, ho sa tsoetelehe seo ba bang ba se entseng, kamoo ba tsamaileng kateng, barutuo a bao ba ne ba reretsoe pele, ba ne ba khethetsoe Bophelo Bosafeleng. Che, ba ne ba sa khone ho E hlalosa, ba sa khone ho E hlalosa joaloka ho feta kamoo ba bang bohle ba neng ba ka khona. Empa ntho e ne e le teng ka ho bona, eona—eona kemelo eo Leholimōng. Mohopolo oo oa Molimo ka bona pele lefatše le theoa, o ne o iponahalitse mona, 'me ba ne ba holehane le Molimo 'me ba tiile hoba e ne e le tšepiso ea Molimo e nētefalitsoeng, 'me ha ho letho le tla e fetola ho bona. Seo ke 'nete, Bokreste ba sebele.

89 Kajeno, batho ba batla ba itsoanela le mehleng ea barutuo a ba le kantle holim'a leoatile. 'Me bosiu bo bong sefefa sa phatloha, 'me ho se letho; litšepo tsohle li timile, hore ba tla pholosa le ka mohla. 'Me ba 'Mona a etla, a tsamaea holim'a e—e—e metsi. Joale

sekepe sa bona se ne se kheleletse metsi, 'me liseile tsa robeha, le masokoana a lahlehile, 'me ba ne ba tsoarane, ba hoeletsa. 'Me ba sheba kantle mono 'me ba 'Mona a etla, a tsamaea holim'a metsi, 'me ba Mo tšaba. Tšepo ea bona feela, 'me ba ne ba tšaba eona feela ntho e ka ba pholosang. Haeba e se papiso ea 'nete kajeno, hape! Ba—ba e hopotse e shebahala e tšosa. Le a tseba, ba itse ba ile ba hoeletsa, ka baka la tšabo, "Ke moea!" Haholo e ne e shebahala joaloka moea. Ke ntho e tšoanang le kajeno.

⁹⁰ Empa ha u ka etsa joaloka ha ba entse ha ba ne ba lla; ba utloa lentsoe leo le etla, "Se tšabeng. Ke 'Na. Se tšabeng. Khothalang."

⁹¹ 'Me ha u ka shebella Lentsoe la tšepiso ea letsatsi lena, u tla utloa eona puo eo e buang ka Lentsoe, "Ke 'Na. Ke tšepisitse ho etsa sena matsatsing a qetelo. Se tšabeng. Se tšoheng. Beang tšepo ea lona ho 'Na, Mora oa Molimo," eo E leng Eena. E lumeleng joale.

⁹² Re siile Abrahamana ka pel'a Sefahleho sa Elohim, maobane bosiu, moo a . . . re ile ra mo theola ka litšepiso. 'Me joale tšepiso ea ho qetela pele ho ho fihla mora, re fumana hore Monna o ile a nyoloha; a apere joaloka monna, a ja joaloka monna, a bua joaloka monna; 'me Abrahamana a Mo talima a Mo lumelisa joaloka Elohim, "Elohim." Ba babeli ba ne ba theohetse Sodoma, ho rera tlase mono. 'Me re tšoantšitse malulo ao kajeno. Bohle le hopola pale eo re e siileng. Hantle feela ka ho phethahala joalo ka ha Jesu a boletse hore ho tla ba joalo, ho re, "joalo ka matsatsing a Sodoma," eona ntho eo e lutse malulong a tšoanang bosiu bona. 'Me haeba . . .

⁹³ Kajeno ke ne ke lutse mono, 'me ke ntse ke ipotsa, 'me ka ipotsa sena sohle. Ba utloa tšisinyeho e 'ngoe ea lefatše e etsahala tlase mono, 'me ba itse, "Ho boela ho sisinngoa linaha hape." 'Me ka nahana, sena ke'ng? U a tseba, se entsoe ka Labohlano le Molemo. U a tseba, lilemo tse sekete le makholo a robong tse fetileng, ka Labohlano le Molemo, kereke e latotse Jesu Kreste, 'me thothomelo ea lefatše ea reketlisa lefatše lohle. 'Me ba boetse ba Mo latotse, Mongoaheng oa Laodisea, kamoo Bibe le e ba boletseng ba tla etsa, ho Mo beha kantle.

⁹⁴ 'Me khato ena ea likereke ea Lekhotla la Likereke ke hantle seo ba se etsang. Ba tela lithuto tsohle tsa bona tsa boevangeli le lintho. "Ba babeli ba ka tsamaea 'moho joang ba sa lumellane?" Che, u ke ke oa khona.

⁹⁵ E ke ke ea sebetsa le Bakreste ba makhonthe, ba sebele. Ba ke ke ba e amohela le ka mohla. Che, monghali. Mokreste ea tsoetsoeng labobeli a ke ke a tšoasoa lerabeng le kang leo. Ho joaloka ho sunya letata ka har'a—ka har'a lesaka. Le a tseba le habile hlabong. O ke ke oa mo khannela nthong eo. Ka baka leo re . . . Mokreste oa makhonthe ea tsoetsoeng labobeli o tla siroha ntho eo.

96 Joale Abrahamama o ne a eme mono a bua le Monna Ea neng a furaletse tente eo Sarah a neng a le ho eona. 'Me Abrame. . . Lebitso la Abraham, letsatsi kapa a mabeli pele ho moo, e ne e le Abram; le Sarai, 'me joale ke Sarah, ho Abrahamama. 'Me O bitsitse Abrahamama ka lebitso la hae la ntate, la boprsta. "Abrahamama, Sarah (*khosatsana*) mosali oa hau o kae?"

A re, "O ka tenteng, ka mora Hau."

97 A re, "Ke tla u etela ho ea ka tšepiso, nako ea bophelo," ka mantsoe a mang, "khoeli e 'ngoe. 'Me Ke tla u etela joalokaha ke tšepisitse."

98 Esale ke emetse ngoana enoa oa pallo lilemo tse mashome a mabeli a metso e mehlang joale; a sa ka a thekesela ka ho se lumele Lentsoeng la Molimo, empa a ipha matla, a ntse a rorisa Molimo. Shebang sena joale.

99 'Me hape Sarah, ka hare ho tente, ha re ka e beha ka mokhoa oa seterata, a itšehela, a re, "'Na, mosalimoholo, oa lilemo tse mashome a robong, 'me ke tla—ke tla thaba le morena oa ka, monna oa ka, eena kantle mono a le lilemo tse lekhoka?" Ho khaotsa joaloka monna le mosali; lilemo tse ngata, ngata.

100 'Me—'me Monna, mokokotlo oa Hae o furaletse tente, a re, "Ke ka baka la'ng Sarah a ile a ipotsa seo, a bua lintho tsena ka pelong ea hae?" Le a bona? 'Me ka mokhoa oo Abrahamama o eleletsoe Ea neng a bua le eena. E ne e le Elohim, ka nêpo. Pontšo ea Hae e boletse tlaleho ea Hae. Ho re, "Ke tla u etela." Hobaneng A itse, "Ke"? O 'mitsitse Abrahamama joang? Athe, ke Eena ea mo fileng lebitso. Ka papiso, e seng ka pel'a sefahleho sa monna; ho supa hantle se tlang ho hlaha. Ho mo fa bohola ba Hae bo nêtefalitsoeng le Lentsoe la pallo, hore Monna enoa ea buileng le eena e ne e le Molimo, Elohim.

101 Joale rea fumana, ho Baheberu khaolo ea 4 le temana ea 12, kamoo ke e qotsitseng habeli, joale, masiu a 'maloa a fetileng, hoo, Bible e boletseng, "Lentsoe la Molimo le senola mehopolo e ka pelong, makunutu a pelo."

102 'Me mohla Jesu a ne a ka sheba phutheho le ho senola mehopolo ea bona, le ho bolella mosali palo ea banna ba hae, ho bolella Nathanaele moo a neng a le teng, eo e ne e le netefatso ea hore E ne e le Messia eo, Molimo, Emmanuele, hobane E ne e le Lentsoe.

103 Baporofeta ba ne ba le joalo. Baporofeta ba ne ba 'nkuoa e le melimo. Le utloisisa hoo. Jesu o itsalo, ka boEena. Ho re, "Le Nqosa joang? Athe, le bitsa bao Lentsoe la Molimo le ba fihlelang, le ba bitsa 'melimo'. 'Me le Nqosa kang, ha Ke re, 'Ke Mora oa Molimo?' 'Me ekare ha Ke sa etse mesebetsi ea Ntate oa Ka, le se ke la e lumela."

104 E ne e le Lentsoe la Molimo le nêtefalitsoeng bakeng sa mongoaha oo. Joale hola A tlile ka pontšo ea Moshe, e ka be e

sa sebetsa. Haeba Moshe a ne a ka tla ka pontšo ea Nohe, taba eo e ne e sa porofetoea tsatsing leo.

¹⁰⁵ Le balisa bana bohle, le lithuto tsa bolumeli, le likolo tse phahameng, le likolo, le bareri ba rutehileng; etsoe ho itoketse, ha re letho khahlano le oona, empa oo ha se Molaetsa oa hora. E ne e le bakeng sa letsatsi leo le lerootho.

¹⁰⁶ “Leseli le tla chaba nakong ea mantsiboea.” O tšepisitse lintho tsena. Ke e balile hape le hape, ho tsoa Lentsoeng. Hantle feela kamoo ho neng ho le kateng mohlang oo, O itse ho tla ba joalo hape. Nka e tlamahanya le Lengolo ka leng ka Bibeleng, le ho le bontša hore ke ’Nete.

¹⁰⁷ Joale, maipolelo a Hae mono a ne a nètefalitsoe mohla A reng, Sarah, seo a se entseng ka mora Hae. Joale lemohang, O tšepisitse, khoeli e tlang o tla emola, “ho latela nako ea bophelo,” O boletse.

¹⁰⁸ Joale lemohang, tsela ea Abrahamama e ne e le papiso ea Peō ea borena joale. Ha u ka lemoha, Abrahamama, tšepiso e ne e etselitsoe eèna le bana ba hae ba mo latetseng. ’Me eaba bana ba hae, pele, peō ea tlhaho, ea ntano ba Peō ea borena eona e le Kreste. Peo ea pele, e tllileng ka bong ba tona-tšali, ho tla Isaaka; empa ntle le kopano ea bong, ho tla Jesu, Peo ea Borena.

¹⁰⁹ Joale hoo, Mali, ua bona, re pholoso ka Mali. “’Me ha mali a sa tšolohe, ha ho tšoarelō.”

¹¹⁰ Lemohang, Jesu e ne e se Mojuda. Jesu e ne e se Molichaba. Jesu e ne e le Molimo. E ne e se eèna, E ke ke ea eba Mojuda kapa Molichaba. Sheba, bong bo botona bo hlahisa hemoglobin, e leng sele ea mali. Kokoana e ka seleng ea mali.

¹¹¹ Ke utloa lona batho mona, bongata ba lona. . . Ke ne ke palame ka tsatsi le leng, ke shebile lihoai—lihoai tsa, lona ’me le na le likhoho. Joale, sethole se ka alama lehe, ’mè oa khale oa nonyana a ka alama lehe; empa haeba e sa kopana le molekane eo, e ke ke ea qhotsoa le ka mohla. Leha ho le joalo, se ka alama lehe, hoba lehe le ka hara—ka hara . . . ka botšehali. Empa, mali, le bophelo bo maling.

¹¹² Ka baka leo, ha ho le joalo, bophelo ba Hae e ne e le bophelo bo bopiloeng, bo sa phelisoang ke monna ea itseng.

¹¹³ ’Me hape lehe e ne e se la Maria, hoba haeba lehe e ne e le la Maria. . . Joalokaha Maprotestanta a mangata a lumela, le Katolike, hape, hore lehe e ne e le la Maria, joale e . . . e ne e le lehe la Maria, le Mo etsang motho. Che, ha sele ea mali e ne e le Molimo, lehe e ne e le Molimo, hobane Maria o ne a ke ke a hlahisa lehe leo fatše. . . Oa tseba, le utloisisa seo ke buang ka sona. O . . . A ke ke a etsa hoo maikutlo a le sieo. Ka baka leo, ka—ka maikutlo, u etsisa Molimo eng? E ba bong hape. Ua bona?

¹¹⁴ Ka baka leo lehe le sele ea mali e ne e le Molimo. Amen. Hoo ke . . . Lumela seo, ’me u tla ba le tumelo ea ho tsoela pele. Ha

re bolokehe ka mali a Bojuda, kapa ka mali a Molichaba. Re bolokehile ka Mali a Molimo, ka Sebele, sele e bopiloeng ea Mali.

¹¹⁵ Joalokaha ke boletse, nka linonyana tsena tsa bo-'mè tsa khale. Ho tla nako ea selemo. Ke hlokometse letsatsi le leng, kamoo ba thotang setoroi 'me li nyolohe ho ea haha lihlahla tsa tsona. Joale e ka nyolohela mono 'me ea haha sehlahla, 'me ea alama sehlahla se tletseng mahe; le ho a alama, le ho oka-oka holima, le ho tšepaha maheng ho fihlela se—se fokola hoo se sitoang ho fofa ho tloha sehlaheng, ho itholla se jeoang. Empa haeba se eso kopane nonyana e tona, a ke ke a qhotsoa. Ha a nona. U tseba seo. A tla robala sehlaheng, 'me a bole.

¹¹⁶ 'Me likereke tse ling tsa rona li joalo. Re sa tsoa fumana sehlahla se tletseng mahe a bolileng. Ha ba na tumelo ea letho ea Abrahamama. Ke nako ea ho hloekisa sehlahla le ho qala morao, ho hokahana; e seng ka mokhatlo o itseng, seminari e itseng ea thutabomolimo. Empa ho kopana le molekane, Krete Jesu, Ea tlišang monontša Moea oa Bophelo o ahileng ka ho uena. Ke Eena ea etsang hore u E lumele. Hloekisa sehlahla le ho qala bocha. U ba phaphatha mokokotlong le ho ba kenya, 'me o ba etse malikone, 'me o nyetse makhethlo a mane kapa a mahlano, le ntho e 'ngoe le e 'ngoe. Re fihla lefatšeng le joang, leha ho le joalo? Ho ba romela seminaring le ho ba entela mekelikeli e nokang eo, le ho ba khutlisa.

¹¹⁷ 'Me tsatsi le leng mona, ha ho lekanngoa, ho suptjua liphesente tse mashome a robong a metso e robong ea bareri ba Protestanta ho phatlalla le sechaba, ha ba lumele ho Khutla ha Krete ka seqo. Liperesente tse mashome a robeli a metso e supileng li hana tsoalo ea moroetsana. E nahaneng. Bana ba rona ba tla tobana le'ng kantle koana?

¹¹⁸ Molimo, re khutlisetse Tumelong e kileng ea fuoa bahalaleli.

¹¹⁹ Abrahamama, shebang 'mila oa hae ha a nyoloha, o bapisitse kereke hantle. Sohle seo Abrahamama a se entseng, se. . . Esale re shebile kereke. Hola ra fumana veke kapa tse peli mona, ho lula mona, nka le bontša, khato ka khato. Kereke e hatile tsela e tšoanang. Pontšo ea ho qetela e ne e le Molimo, Lentsoe la pallo le buang le eèna, ka nama ea motho. Tšepiso ea ho qetela pele lefatše la Balichaba le timetsoa, eona e ne e le Sodoma le Gomora. Joale nahanang, Abrahamama, pele, o ne a. . . Molimo o no o ipontšitse eèna ka lipapiso tse ngata, le ka maseli, le libopeho, le lipontšo, empa Molimo ha o eso tle ho eèna joaloka motho le ho bua ka lentsoe le hlakileng, joaloka motho, ho tsoa ho motho. 'Me, le hopole, tšepiso e mothating oa ho phethahatsoa hona joale, Sodoma e tla chesoa, molaetsa oa ho qetela o tsoeletse.

¹²⁰ 'Me kereke ke eo e tsamaea ka tloaelo, kereke ea bolumeli, ke rialo. Ke eo, Billy Graham oa sejoale-joale o theohela tlase mono, ho ba rutla.

¹²¹ Ke eo Kereke e Khethiloeng, e seng ka har'a Sodoma; e bitsitsoeng, e arotsoeng. Ba fumana moromuoa. Lemohang, sehlopha sa Abrahama se fumane Molaetsa. 'Me joale e ne e le eng? Molimo, esale a buisana le eëna nako eohle, ka lipapiso le ka libopeho, le ntho eohle, ho nyoloha hantle. 'Me joale O Iponahatsa hantle mona ka nama ea motho, 'me o senola mohopolo o pelong ea Sarah, ka mora Hae. 'Me Abrahama o itse, "Ke Elohim, Rabokhoni-Bohle." Hopolang, hang ka mora moo, Sodoma ea chesoa. E nahaneng.

¹²² Kereke e ka ba e ntse e fumana pontšo ea eona ea ho qetela. Le a bona, re na le. . . Le hooelitse, le fumane tokafatso ka Luther; khalaletso ka Wesley, nako e kholo, ho hoeletsa, ho nyakalla; ho bua ka lipuo, tlhaloso ea lipuo, pholiso ea Khalalelo. Empa re hokae joale? Molimo o bua hara rona hantle, ka rona, ka ho utloahalang, joaloka ha A entse mono. 'Me O tšepisitse ho e etsa. Ke eona taba. Ha se ntho eo re iqallang eona. Bible e itsalo. Jesu o itse O tla e etsa, ho Ipheta hape.

¹²³ Lemohang, 'me hang ka mora mona, Abrahama a rapelisisa a qella Lota. 'Me O itse haeba A ka fumana esita le batho ba leshome, O tla e baballa. Empa ha A ka a fumana seo, manqosa tlase mono. Ba hanne manqosa.

¹²⁴ Joaloka borakefese ba Billy Graham, mohla a leng motseng oa rōna, koana Louisville, Kentucky. Ke le borakefeseng ba hae. A re, "Ke kena motseng," a re, "Ke. . ." A phahamisa Bible. Ke molumeli e moholo Bibeleng. A re, "Ke kena motseng 'me ke tsoare e—e letšolo, ke fumana meea e likete tse mashome a mararo, kapa liqeto." A re, "Me ke tla khutla, likhoeli tse tšeletseng ho tloha moo, ha ke fumane mashome a mararo." 'Me o itse, "Pauluse o ne a kena motseng a sokolle motho a le mong, 'me mohla a khutlang, selemo hamorao, mosokolloa eo o ne a sokolotse meea, basokolloa atisa ka mosokolloa, ho fihlela a fumane meea e makholo ka a le mong eo." A re, "Joale molato ke 'ng?" A re, "Lōna sehlopha sa bareri ba botsoa." A re, "Le lula le kokositse maoto holim'a deske, 'me ha le tsoe ho etela batho bao."

¹²⁵ Joale 'na ke mang, motho ea sa balang joaloka 'na, ho hanyetsa moevangeli e moholo? Empa ke ne ke ratile ho bua lentsoe le le leng ho eëna. "Billy, ke moreri ofe ea nkileng mosokolohi oa Pauluse." Ua bona?

¹²⁶ E ne e le hobane Pauluse o mo nkile botebo bo lekaneng, Kreste o kene ka ho eena 'me e ne e le Mollo o phelang, ho thehela ho Sefahleho se phelang. E seng khato ea mofuta ea hlalefo, kapa ho ingolisa ha mofuta, kapa ho tekana lengolo la mofuta, kapa boitlamo hore o tla tla kerekeng. Ho mo isa kolobetsong ea Moea o Halalelang, 'me o tla—o tla be a le Mollong, o tla tsoala bana. U ka e khona joang athe o nyopa? A ke ke a fumana bana a sa rua Bophelo ka bo-eena. 'Me ntho efe

e ka itlhahisa joalo hape, ke ka kokoana. 'Me kokoana ke Moea o Halalelang o neng o le ka ho Kreste, o leng ka ho molumeli.

127 Joale rea elelloa, pontšo ea Molimo ea ho qetela ho Abrahama, ka seqo, e ne e le Molimo, Lentsoe. Hopolang, Molimo Lentsoe la pallo esale a le tšepisitsoe nako eohle, la buisana le eèna ka nama ea motho. Monna ea emeng mono, a qoqa le eèna, a senola mehopolo e pelōng ea Sarah; 'me eena, ka mora Hae, ka hara tente. E ne e le pontšo ea ho qetela eo. Hlokomelang joale. O kile a itlhahisa ho eena pele, ka lipontšo tse mangata, le joalo-joalo, tse kang maseli, le—le mollo, le joalo-joalo, li hlahile ho eèna, empa joale lemohang. 'Me hang. . .

128 Ke batla le lemohe se hlahetseng bathoana bababeli bao ba holileng. Joale ke tšepa le sa nkuke ke le motho ea sa tsitsang. 'Me—'me ha u sa lumele sena, se tlohele feela, feela, le a bona. Empa ke batla ho le bolella seo ke se hopolang se hlahile.

129 Na le lemohile joale, Sarah o tla fumana lesea lee joang? Joale o lilemo tse lekholo. Joale motho o re, “Be, ho ne ho fapane lekhateng leo.” Bible e itse popelo ea hae e ne e shoele, 'me Bible e ba tlalehile ba ne ba holile haholo lilemong.

130 Empa O etsetsa Sarah le Abrahama, ho tla ka tsela ena, joalokaha A tšepisitse ho etsa ho Peō ea bona. 'Me O e entsel! Nka e paka, hantle feela mehato eo Abrahama a ileng a e nka. Joale shebang moo a leng teng mona joale mohla Molimo 'ona o tllileng oa buisana le eèna, ka nama ea motho, oa Itsebisa eena. Hang joale. . .

131 Sarah o tla fumana lesea lee joang? Joale Abrahama o ne a phetse le eena, 'me mohlomong o ne a . . . E itse, “Mele oa hae o se o ichoelletse.” Bible e boletse hore ho ne ho le joalo. “Mele oa hae joale o shoele. Popelo ea Sara e shoele. Empa ha a ka a sisinyeha. Leha ho le joalo, o ile a e lumela.” Joale shebang, haeba Sara. . .

132 Ke hara letšoele le kopaneng, 'me le ntšoarele, likhahitseli. 'Me u ee u mamele ngaka ea hau; 'me 'na ke moena oa hau. Empa joale lemohang. Sara, a le lilemo tse mashome a robong, o tsofetse haholo ho kena peleling. Pelō eo e ke ke ea e mamella. Le tseba seo. 'Me ntho e 'ngoe, methapo ea hae ea lebese e ne e omeletse. Ba ne ba se na libotlolo tsa bophelo bo botle le bohloeki mehleng eo. Le a bona, e ne e loketse ho ba 'mè ea anyesang. Lemohang. Ka baka leo O tla e etsa joang? O tla fumana lesea lee joang? Popelo ea hae e shoele. O shoele 'meleng oa hae, ka sebele, 'me Abrahama o shoele.

133 Na le tseba seo A se entseng? O ba fetotse. O ba buselitse ho mohlankana le moroetsana. Nka paka seo. O ba entsel mohlankana le mosetsana, a boela a ba nchafatsa. Oh, ke tšepiso e babatsehang hakakang!

U re, “Oh, Moena Branham!”

134 Be, bea butle motsotso feela. U se ke . . . Tiisetsa feela. Taba ena e ka hlabehisa nakoana, ho ba eang ka molao, empa ke—ke batla le bone taba ena motsotso feela. Joale re ruta thuto e kang ea sekolo sa Sontaha ka sena. A ba busetsa ho mohlankana le mosetsana hape, lilemo tse ka bang mashome a mabeli.

135 Abrahama, joale bona, o se a tsofetse. Litelu tsa hae li leketlile fatše. 'Mele oa hae eka o shoele. Liphakana tsa hae, tsa khale lia leketla. Sarah, tjalenyana e holim'a lehetla la hae le kepisi ea nthoana e nyenyane, nkhononyana a ntse a hulana holim'a lere.

136 Ke bona hoseng ho hlahlamang. Khele, Abrahama ka selotahali mokokotlong oa hae, moriri o mosoeu o lepeletse. 'Me Sara a re, "Abrahama, moratuoa, hobaneng, litetlu tsa hau—tsa hau li fetohile tse botšo." "Khele, Sara, mahlo a matle ao a chabile joaloka ha a ente kamehla. Marama a hau a hlahile rosa ho 'ona." Le pele letsatsi le likela bosiu bo hlahlamang, keha a khutletse ho mosetsana, 'me a le mocha.

U re, "Bosaoana, Moena Branham!"

137 Oh, e, e ne e le eona, hape. Le a bona joale tšepiso e babatsehang le papiso ea Peō ea borena ea Abrahama, e tlang hang-hang. Hopolang, na ke tšepiso? E, re tla fetoloa. Ba ile ba fetoloa mohlankana le moroetsana, ho bontša hantle feela seo Kereke, Peō ea borena, e tlang ho se etsa.

U re, "Na eo ke tšepiso?"

138 Bathessalonika ba Pele 4:17, "Terompeta ea Molimo e tla lla, 'me re tla fetoloa ka motsotsoana, ka ho panya ha leihlo, re nkoe hammoho." Hobaneng? 'Mele oa hae, mebele ea bona, e ne e tlamehe ho fetoloa ho amohela mora. 'Me mebele ea rōna e shoang, e soto e tla lokela ho fetoloa, ho amohela Mora, hoba re tla nkeloa holimo. Re tla lokela ho fetoha 'mele o fapaneng le ona, hoba re tla nkeloa sebakeng, ho kopana le Eena. Amen. Ha e con- . . . Hantle feela 'moho le Mangolo, u a bona. Ba ile ba fetoloa. Haeba re ka kopana le Morena sebakeng le ka mohla, re ke ke ra kopana le Eena ka 'mele oa mofuta ona, hoba re tsetetsoe lefatšeng. Empa re tla amohela o mong, allelua, o tla nyoloha ka Hloibilo.

139 'Me botle ba eona, o haufi haholo. Re bona lipontšo tsohle li lutse hantle. Ho ke ke ha ea halelele joale, moso o mong ona o tla fetoha. Ua bona?

140 Empa, le hopole, o tla tlela Peō eo ea borena feela. Ho tla ha Jesu e tla ba sephiri, batho bohle ba ke ke ba tseba letho ka eona. Ua tseba, mohlomong ho ke ke ha ba ba bangata haholo. "Joaloka matsatsing a Nohe, ha ho bolokehile meea e robeli ka metsi, ho tla ba joalo ho tlang ha Mora motho." "Monyako o patisane le tsela e tšesane, empa e tla fumanoa ke ba seng bakae." U re ho tla ba le limilione mono; eya, ho haola le mengoaha eohle,

e lopolotsoeng, ehlile. Empa, nqalo eo ea Hloibil, moo re emeng joale!

141 Ho tla etsahalang le leng la matsatsi ana? Ba tla re, “Joale, u a tseba, ke rōna bana koana lekhateng la Matšoenyeho. Ke hopotse Kereke e tla hloibiloa pele ho lekhathe la Matšoenyeho.” Eo ke 'Nete. E seng kereke; Monyaluoa. Kereke e feta nakong ea Matšoenyeho, empa e seng Monyaluoa. Che, monghali. E lopolotsoe. Ha e na letho ho hloekisoa lona. E se e hloekile. Moea o Halalelang o kene ka ho Eena le ho Mo hloekisa, le ho tlosa litšila tsohle le rothe ea lefatše, 'me O lumela Lentsoe leo 'me o fetoha karolo ea Lona. Ke hantle. Kantle ho Moea o Halalelang, ha ho letho le sebetsang. Ke Monyaluoa ea tsoang kerekeng. 'Me mono, eèna, ea bitsoang “masala a peō ea mosali,” a setseng ho feta nakong ea Matšoenyeho.

142 Ua tseba, khetlo le leng ka morao ho Mangolo ohle, Esaia, Malakia 3, le Esaia 40, tse porofetileng ka ho tla ha Johanne Mokolobetsi, Johanne o tlile hantle feela mocheng le Mangolo ao. 'Me esita le barutuoa ba tla ho Jesu 'me ba re, “Hore'ng Bangoli, Mangolo, Elia o tsoanetse ho tla pele?”

143 A re, “O se a tlile, 'me ha lea tseba. O tlile, 'me ba mo entse hantle feela se neng se loketse ho se etsoa, 'me ha lea ka la e tseba.”

144 Joale, e ka ba le leng la matsatsi ana, u ka re, “Ho ka thoe'ng ka Hloibilo?”

145 “E se e fetile, 'me ha u a e tseba.” “Ba babeli liphateng; e mong o tla tlosoa, e mong a sale.” Le a tseba, ho nyamela batho ba ka etsang makholo a 'maloa lefatšeng, letsatsi ka leng, le hona, le a tseba. Ha ba khone ho e akanya.

146 'Me e nahaneng feela, masoabi, batho ba tla tsoelapele ho rera, le ho lumela hobane ba ntse ba pholoso.

147 'Me Nohe a kena arekeng, 'me monyako oa koaloa ka mora hae, ka letsoho la Molimo. Letsatsi la chaba, la likela, matsatsi a supileng le pele ho etsahala letho. 'Me batho ba tsoelapele ho rera, ba tsoella hantle ba soma, le ntho eohle esele, ba sa tsebe hore mohau oa bona o le mong oo ba kileng ba ba le oona o ne o koaletsoe bona.

148 Nahanang, bareri ba sa ntse ba ruta baboleli 'me ba ba ntša, ho etsahala le lintho tse kang tseo, ke kereke feela e tsoelang pele; 'me ho se mohau ka botlalo, ho se letho, ho khaoloa ka botlalo; Hloibilo e nyametse. “Ea itšilafatsang a 'ne a silafale,” Lengolo le rialo. “O se a tlile 'me ha lea ka la tseba.” Nahanang ka taba eo, bosiuang bona, metsoalle, 'me le shebe se etsahalang.

149 Ha ho letho lefatšeng le ka u tšelisang joale haese Lentsoe la Molimo. Ua bona? Litšepo tse ling ha li eo; sechaba sa heno, nqa efe.

150 Re jeloe ke seboko ho fihla mokong. Le tseba seo. Bokomonisi bo jele ntho eo se sa seboko. Kea kholoa . . . E tlameha ho ba joalo. U ke ke ua e thibela. Bible e boletse hore ho tla ba joalo, ka hona u ke ke oa e thibela. Ke phetho.

Itokisetse Hloibilo. Ke eona feela ntho e ka etsoang.

151 Bathessalonika, ba—ba Bathessalonika ba Pele 4:17 e boletse, “Re tla fetoloa,” joaloka Abrahamama, “le ho nkeloa holimo,” ’mele o fapaneng. Joale, Abrahamama, mebele ea bona ea khale e ne e lokela ho fetoloa. Le ea rona e tla lokela ho fetoloa, ho phethisa tšepiso. Re tla lokela ho fetoloa. Joale, u re, mebele ena ea khale. Ke batla ho . . .

152 Ke ne ke qoqa mane Kiwanis, nakoana e fetileng mona. ’Me e—’me ngaka ea tsoa, hamorao, ’me a re, “Mongh. Branham,” ho re, “ke ananela puo ea hau, empa,” ho re, “u a tseba, nke ke ka lumela hore—hore—hore, ntho efe, haese ha e ka pakoa ke mahlale, mabapi le tsoalo eo ea moroetsana le ka lintho tse kang tseo, le ka ho ba Molimo.”

153 Ka re, “Be, u ke ke ua Mo lumela, hoba u ke ke ua paka Molimo ka mahlale. U tlameha ho Mo lumela ka tumelo, ka tumelo.”

A re, “Be, ha ke lumele letho leo e seng mahlale.”

Ka re, “Na u monna ea nyetseng?”

A re, “E, monghali.”

Ka re, “U rata mosali oa hau na?”

A re, “Ehlile bo.”

154 Ka re, “Mpontše seo lerato le leng sona ke hona. Ke batla ho reka lethoana la lona, ha u ka mpoella se levenkele la meriana le le rekisang. Ke hlile ke a le hloka.” Ka re, “Ke . . .” Ua bona, ntho e nyatsehlang feela.

155 Ka re, “Ke tla u botsa potso. Joale, mona, na re entsoe ka lerōle la lefatše?”

A re, “E, monghali.”

156 Ka re, “Re amohela lerole leo ka ho ja lijo tse tsoang lefatšeng, ’me ke bophelo ba semela, le lintho tse joalo.”

157 U a bona, u ka phela feela ka lintho tse shoeleng. Ua bona? Ha u phela, ntho e tlameha ho shoa ho u phelisa, nameng. Ha u ja litapole, e shoele. Ha u ja nama ea khomo, khomo e shoele. Ha u ja kolobe, kolobe e shoele. Ha u ja linaoa, li shoele. Ke sebopoho sa bophelo. ’Me u phela feela, ka tlhaho, ka—ka ntho e shoeleng. Ntho e shoeleng! Joale na ha se khang feela, motsalle, hore u ka phela ka Bosafeleng feela ka motloang oa ntho e u shoetseng? Kreste o shoele, e, ho tsoha hape, ho netefatsa Bomolimo ba Hae. Lemohang joale.

158 Ka re, “Ngaka, ha nka ja lijo, nako le nako ha ke ja lijo, li kena ’meleng oa ka ’me le bopa lisele tsa mali.”

A re, “Ke hantle.”

“Nako le nako ha ke ja, ke nchafatsa bophelo ba ka.”

A re, “Ke hantle, lisele tse ncha tsa mali.”

¹⁵⁹ Ka re, “Ke batla ho u botsa taba ke hona. Mohla ke neng ke le lilemo tse leshome le metso e tšeletseng, ke jele poone le linaoa le litapole le nama, joaloka hona joale. ‘Me nako le nako ha ke ja, ke ne ke hola le ho ba matla. ‘Me mohla ke batlang ke eba lilemo tse mashome a mabeli a metso e ‘meli, motho e mong le e mong, ho sa tsotelehe na u ja ha kae, u ja hantle hakakang, u a tsofala ‘me u a fokola. Joale haeba ke tšela metsi ka senoelong *sena*, ka ho *sena*, ‘me ke a tšela halofo ho tlala; ‘me ke sa phetse ho tšela, ka mora ho tlala halofo; ‘me sebakeng sa ho nyoloha, a theoaha. Ak’o nkholisetse eona ka mahlale. Ua bona? Ho ea ka’ng ha ke ja lijo tse tšoanang, ke nchafatsa bophelo ba ka letsatsi ka leng, ho ea ka . . . Ho e paka, ho latela mahlale ke nchafatsa bophelo ba ka ha ke kenya lisele tse ncha tsa mali, ke mali a le mang mohla ke leng lilemo tse leshome le metso e tšeletseng. Empa hobaneng, ka mora hoba ke fihle ho tse ka bang mashome a mabeli, ho sa natse ke ja hakae, ke ntse ke theoaha, ke tsofala le ho tsofala le ho tsofala, ‘me ke ntse ke honyela hantle ka linako tsohle? Ho ena le ho tlatsoa, joaloka ha e entse mohlang oo, joale e ntse e nkisa fatše.” Ke taetso. Ke seo e leng sona.

¹⁶⁰ Empa Molimo o ralile setšoantšo, ‘me O u fumane u ka ba lilemo tse mashome a mabeli le ho hong, haeba ho se letho le sitisitseng joaloka moshanyana ea holofetseng ea lutseng mona. E tšoana le e—e tlhaka ea poone ha e qala, ‘me ntho e ‘ngoe ea robala holim’a eona ‘me ea e khutlahanya; ha u ka suthisa ntho e khopameng eo e e etsisitseng hoo, tlhaka e tla otloloha. E tlamehile joalo. Ke phetho. Lemohang, ha ho se letho le e sitisang, ke hona, mofumahatsana ea khabane, mohlankana ea khabane. Uena le monna oa hau le eme ‘moho, Adama oa sejoale le Eva ho tloha tšimolohong. Molimo o itse, “Ke bao. Joale lefu u—u ba sale morao. U ka qala oa ba nka, empa u ke ke oa ba nka ka botlalo pele Ke bitsa.” Joale ke eng? Ke setšoantšo sa neketifi. Oh, khili! Le a bona?

¹⁶¹ Ke hantle seo A se entseng ho Sara le Abrahamama. A hlakola botsofali. Botsofali ke pontšo ea lefu. ‘Me ho ke ke ea eba matšoao a lefu Leholimong. Ua bona, nohopolo oa lefu o tla tlosoa, ‘me botsofali ha bo sa tla ba teng. Bohle re tla ba bacha. Ke setšoantšo feela seo Molimo a se takileng bocheng ba hau. ‘Me joale Molimo o ile oa nka oa busetsa Abrahamama le Sara hantle lilemong tsa bocha boo hape, ka hona ke rōna bao.

¹⁶² ‘Me bopaki bo bong boo ke batlang ho le bontša bona joale. Ha ke—ke . . . Ke e utloa tyaba eo e sa le finyelle hantle haholo. Ke loketse feela . . . Ha le lumele seo. Che, e reng ke le botse. E renng ke le bontše ntho e ‘ngoe. E reng ke le bontše hobane ba e entse. Joale shebang.

163 Shebang moo ba neng ba le teng, 'mapeng, mohla Molimo o neng o ba hlahela, holimo mono pel'a Sodoma. Hang ka mor'a moo ba nka leeto la lik'hilomithara tse ka bang makholo a mararo ho theohela Gerare. Ke leeto le lehloho ho monna-moholo le mosali. Monnamoholo enoa ke enoa joale, matšoala a hae a lepeletse, a ikokotlela ka thupa ea hae. Nkhononyana ke enoa, ua tseba, o apere katiba, a ntse a hulanya joalo ka mor'a hae, a hata mehatonyana e ka bang lisenthimithara tse 'nè kapa tse hlano ha a tsamaea.

164 'Me hape, bothata ba eona, eitseha ba theohela Gerare, Abimeleke ke eo, morena o ne a tsoma moratuo. 'Me basali bao bohle ba khabane bao a ba theoletseng mono, banana ba Bafilesta; eitseha a bona Sara, a mo rata, a batla ho mo etsa mosali oa hae. Na ho joalo? [Phutheho e re, "Amen."—Mohl.] Ha-ha! Oh!

165 Oh, moena, Bible e tšoana le lengolo la lerato. U tlameha ho bala lipakeng tsa mela, ho bona seo E se boelang. Molimo o itse, "O E patetse mahlo a ba bohla le ba masene, le ho E senolela masea a batlang ho ithuta."

166 Ha ke tsoile ke kene boromueng, mohatsa ka o 'ngolla lengolo. 'Me kea mo rata, 'me o a nthata. 'Me o re, "Bill ea ratehang, bosiuong bona ke robatsa bana liphatang. Kajeno ke sebelitse." Ke bona seo a se balang, seo a se ngolang. Empa, le a bona, ke mo rata haholo, nka bala hantle lipakeng tsa mela. Ke tseba seo a buang ka sona. Ha a tlameha ho mpoella. Kea tseba, hoba nka bala lipakeng tsa mela.

167 Ho joalo le ka Molimo, ha ke leke ho bala ho tsoa ntlhakemong ea likoranta, ho tsoa ntlhakemong ea mofuta ea thutabomolimo, empa ho Mo rata. Ho theoha le ho Mo kenya ruri pelong ea hau, "lerato la Molimo le tšolletsoe pelong tsa bona ke Moea o Halalelang," u ka bala Bible 'me u tla E bona e hlahella hantle lipakeng tsa mela. Le a bona, le tseba seo A se buang. Ha A bua taba eo hantle ka hare ho Lentsoe. Jesu o lebohile Ntate kahobane A "patetse lintho tseo mahlo a ba bohla le ba masene." Joale, ha ho mang ea neng a ka khona ho bala mangolo a mohatsa ka joalo, hoba ke mo rata ka tsela eo, le a bona, 'me o 'ngolla joalo. Ke kamoo Molimo a u ngollang kateng. E lipakeng tsa mela, u a E bala.

168 Ke enoa joale, Sara, ehlile, o ile a theohela mono. Na u ka nahana nkhononyana, u a tseba? 'Me banana bao bohle ba batle tlase mono e—e lekhotleng la Bafilista, naheng ea Gerare. 'Me Abimeleke ke enoa mono, ke khosi e ncha, 'me o batla ho ipatlela moratuo, kahoo o sheba hohle. Ba batle, le tsohle. Empa o bona nkhono a etla, u a tseba, a thothomela, a ferekane, ho tla joalo, a re, "Ke eena eo esale ke mo lebeletse. Ke eena!" Ho re, "Oh!"

169 'Me Abraham a re, "Kea u rapela, Sara, mpontše mosa ona. U motle ho talinngong, u a tseba." Ho re, "Ha u fihla tlase mane,

u re ke—ke moena oa hau, 'me ke tla u tlaleha u le khaitseli ea ka. Hobane, ha u sa etse, ba tla mpolaea ba u nke.”

170 Le a bona, u ke ke oa ba le basali ba babeli ka nako e le 'ngoe, le a bona, ka hona re . . . A ke ke a ba le banna ba babeli, ke rialo, ka nako e le 'ngoe. Ka le leng la matsatsi ana, ke tla rera ka eona. Hape, le bua ka *Peō Ea Noha* e fuluhang ntho e itseng, le eme ho fihlela sena se tsoa. Eng—eng, joale? Hopolang.

171 Re fumana ke hona ha ntho eo e ne e fihla, nkhoneonyana oa khale joalo, Abimeleke a mo rata, a tloha a mo nka hore e be mosali oa hae.

Nahanang taba eo. Le bona moo A ba buselitseng teng? Ehile, O ne a tlamehile.

172 Bibe e ena, lengolo la lerato, ke ntho eo Molimo a re ngollang eona. “O E patetse mahlo a ba bohla le ba masene, 'me O tla E senolela masea a batlang ho ithuta.” O pata . . .

173 O patile ho tla ha Hae. A pata Jesu ho Bafarisi, baithuti bao ba Lengolo. Ha re fumane letho le kang bona kajeno. Ho sa tsotelehe hore e ne e le morutehi hakae, ha ba ka ba Mo eelloa. O ne a patiloe. Bibe e Mo tlalehile joalo.

174 'Me, le a tseba, Bibe e tlalehile tšebeletso ea bolisa ea letsatsi lena e tla be e patiloe ka ho tšoana. “Bahlalefi, baithati, ba ratang menate ea nama ho feta Molimo, ba se nang ho tšepaha, ba etseletsang ba bang, ba sa tsebeng ho itšoara, le ba hloelang ba molemo. Ba nang le . . .”

U re, “Bao ke makomonisi.” Che, che.

175 “Ba nang le sebopeho sa borapeli, ba mpa ba latola Matla a jona; le ba joalo u ba furalle.” Le a bona? Ke hantle. “Ba ke ba tsoang tlung ho ea tlung, 'me ba hapa basajana ba kenoeng ke litakatso tse ngata,” le joalo-joalo. Lemohang.

176 Joale re fumana Abrahamana tlase mono. 'Me Abimeleke a fihla, ho re, “Esale ke mo shebeletse, ka linako tsohle.” Kahoo a laela banana ba hae hore ba tile ho mo nka le ho mo ntšetsa mono, 'me, oh, mohlomong ho mo hlophisa kahohle, le ho mo etsa mofumahali oa mofuta. 'Me bosiuung boo . . .

177 Ke batla le lemohe mona mohau oa Molimo ho moporofeta oa Oona. Hona ho ka bipetsa nakoana, empa ke 'Nete. Ho sa tsotelehe kamoo E shebehang kateng, le shebe sena seo Bibe e se boletseng.

178 Joale ke bona Abimeleke, a nahana, “Hosane ke tla nyala ngoanana e motle enoa oa Moheberu. 'Me o ka phaposing mono joale, 'me makhabayane a ka a ntse a mo nyanyatsa a ntlafatsa moriri oa hae, le ho hlophisa kahohle.” Joale na le ka nahana leqheku la lilemo tse mashome a robong la mosali le hlophisoa joalo, ho nyala khosi e ncha? Ka hona rea fumana, eitseha ba hlophisa ngoanana e motle enoa oa Moheberu, 'me o a tola 'me

—'me o robala fatše, 'me o otlolla maoto a hae, hoba a etse lithapelo tsa hae, 'me a paqame, ho re, "Oh, khili!"

179 Joale na le ka nahana ka Abrahamama ea etsang leqheka le joalo, monna ea ka buang ntho e joalo ka mohatsa'e? Le bua ka lekoala! Abrahamama o entse hoo. 'Me ke eo o lutse kantle mono joale, hoba a etse ntho e kang eo. Lemohang.

180 'Me Abimeleke, bosiuung boo, Morena a iponahatsa ho eena, ka toro, le ho re, "U se u le monna ea shoeleng." Ho re, "U nkile mosali oa monna e mong."

181 A re, "Morena, U tseba botšephehi ba pelō ea ka." Ho re, "Ke—ke. . . O mpoleletse hoba e ne e le moena oa hae—oa hae, 'me eena a mpoella hoba ke khaitsetsi ea hae."

182 A re, "Ke tseba botšephehi ba pelō ea hau, lebaka leo Ke u thibetseng ho Ntšitelo. Ua bona? Empa hoo, monna oa hae, ke moporofeta oa Ka." Shebang mohau oa Hae ho moporofeta oa Hae, leha koana a ne a fositse. Ua bona? Ho re, "Ke moporofeta oa Ka. Nke ke ka utloa lithapelo tsa hau. E-ea u mo late, 'me a u rapelle. Haeba u sa etse joalo, ho felile ka sechaba sohle sa hau," popelo e 'ngoe le e 'ngoe e ne e koetsoe. E nahaneng. Ke hantle seo A se buileng. 'Me Abimeleke e le monna ea lokileng, 'me a tšaba Molimo. E, monghali.

183 Empa na le bona seo mohau oa Molimo o se etsang? Moporofeta oa Hae ke eo o lutse kantle mono, a nehela mosali oa hae ho nyaloa ke monna e mong, athe o lebeletse tšepiso ea ngoana, le lintho tse kang tseo, 'me mohau oa Molimo o tiisetse Lentsoe leo ho sa tsotelehe seo le leng sona. Ke hantle.

184 "Monna oa Hae ke moporofeta oa Ka. 'Me Nke ke ka utloa thapelo ea hau. Ho sa tsotelehe ho loka ho hokae, le bokhabane hakae, le hore u bohlae hakae; haese ha a u rapella, u monna ea shoeleng." Eaba o nka a busetsa Sara. Oh, khili!

185 Eaba Isaaka o fihla temeng. Joale ho koaleng, ka potlako joale ke batla ho le tlišetsa taba. Isaaka o ile a hlaha sebakeng 'me eaba tšepiso e a phethahala.

186 Joale hoba Isaaka a fihle, moshanyana a batla a le lilemo tse leshome le metso e 'meli, le joalo, Molimo oa mo fetisa hlahlolong habeli. Hoba A mo leke, lilemo tse mashome a mabeli a metso e mehlano joale, eaba O fetisoa tekong habeli. Joale O itse, "Abrahamama, ke batla u nke mora enoa joale, mora oa hau ea mong, le ho mo nyollela thabeng eo Ke tla u bontša eona mona ponong ena, 'me Ke batla u mo nyollele mono u mo nyehele sehlabelo."

187 'Me O boletse a sa—a sa ka a hana ho e etsa. A tsoha feela, hoseng ho hlhlamang hoba Morena a bue le eëna, a qhaneha limmoulo tse nyenyane 'me a nka patsi le lintho, 'me a e petsola, 'me a tloha le limmoulo. A tsamaea matsatsi a mararo, 'me eaba o fihla mono, a bonela hole koana, hoba a tsamaee matsatsi a

mararo. Joale mona ke hona moo Abrahamama a neng a le teng, le leeto la matsatsi a mararō. 'Me mohleng oo maoto a motho a ne a se na mafura a kang a rōna kajeno, 'me monna ofe feela oa tloaelo a ka tsamaea limaele tse mashome a mabeli le metso e mehlano ka letsatsi. Ua bona? O ile a fihla kae, morao feelleng leo?

188 'Me a re, "Joale le eme mona." Ke rata sena ka Abrahamama. A re ho bahlanka, ho re, "Le eme mona ka limmoulo, 'me 'na le mora oa ka re tla ea koana ho rapela, 'me re ntoo khutla."

189 O tla e khona joang, athe o nyolohetse mono ho mo bolaea? Molimo oa 'molella, oa re, "Nyolohela mono u tlose bophelo ba hae."

190 Empa Bibeletse e itseng, ho Baroma 4? "Abrahamama o itsebile a mo amohetse joaloka ea tsoang bafung, 'me a khotsoe ruri hoba Molimo o ka mo tsosa bafung, moo a mo fumaneng teng e le papiso." Le a bona?

Ho re, "Le eme mona."

191 Hore e tla sebetsa joang, nke ke ka u bolella. Na le ka nahana ka khaitseli eo ea nkileng lesea matsohong a hae, le 'mè ea lutseng setulong sa bakuli, moshanyana e monyenyanane mono, holimo mona ntate? Ha ke tsebe O tla e sebetsa joang. Ha ke tsebe feela kamoo A tla e sebetsa kateng. Empa O tla e etsa hoba A tšepisitse A tla e etsa, holim'a motheo oa hore le a e lumela. O e etsetsa ba bang. Ua bona?

192 "Na le moshemane enoa, 'na le moshanyana, re tla khutla. Le a bona, emang mona, 'me re tla ea rapela."

193 'Me a jarisa Isaaka e monyenyanane patsi, papiso ea Krete ea jereng sefapano sa Hae. Ho fihla tlhorong ea thaba. 'Me Isaaka e monyenyanane a hla a belaela, 'me a re, "Ntate?"

A re, "Ke 'na enoa, mora oa ka."

194 A re, "Khele, aletare ke ena, mollo ke ona, patsi ke ena, empa konyana ea sehlabelo e kae?"

195 Mamelang mantsoe ana joale a tsoang melomong ea Abrahamama. "Mora oa ka, Molimo o tla Iponela konyana ea sehlabelo." Hoo ho bolela, "Sehlabelo se hlahisitsoeng ke Molimo," *Jehova-Jire*. Konyana e hlahisitsoeng ke Morena.

196 'Me eare ha a tlama matsoho a hae 'me a 'mea holimo—holim'a aletare, nahanang hore na joale e ne e le nako efe eo. Ka mora ho mo emela lilemo tse mashome a mabeli a metso e mehlano, 'me Molimo oa mo etsisa, hore a timetse ntho e le 'ngoe feela eo a kileng a paka ka eona lilemong ho theosa. E ne e le sekhobo har'a batho, ba mo tšeha. 'Me mona Molimo o re, "Qhaqha eona ntho e tla u nea tšepo e le 'ngoe feela, hore Lentsoe la Ka le tla phethisoa ka ho uena. Ke u fa moshanyana. O lilemo li leshome le metso e 'meli. Bohle ba mo lemohile, u sa ntse u le ntata lichaba, empa tloha u bolae moshanyana oa hau." Na u ka nahana?

197 Molimo o re bontša feela. Ho sa tsotelehe seo motho a se buang, kapa ntho efe feela e khahlano le Lentsoe leo, hana ho e sheba. Peo ea sebele ea Abrahamama e lumela Seo.

“Timetsa mora eo.”

198 'Me Abrahamama a mo robatsa mono. Le ka nahana, ho tšoara moriri oa hae o mangetse a o pheula sefahlehong sa hae. 'Me mahloana a hae a masoothoana a shebile holimo ka mokhoa oo, 'me melomonyana ea hae e thothomela. Na le bona thipahali eo ea leharehali e tsoang ho ntata'e. . . Nahanang ka ntate. A hulela hloohonyana ea hae morao, 'me a hulela 'metso oa hae morao hore a tle a mo hlabane 'metso ka thipa ena. Oh, kutlong ea Molimo! Ho sa tsotelehe kamoo e shebehang kateng, o itse, “Ke mo fumane joaloka ea tsoang bafung. Molimo o ka mo tsosa.” Ho phahamisa thipa le ho qala.

199 'Me Moea o Halalelang oa tšoara letsoho la hae, ho re, “Abrahama, Abrahamama!”

A re, “Ke 'na enoa.”

200 A re, “Khutlisa letsoho la hau.” A re, “Kea tseba hore u a Nthata 'me u a Ntšepa joale, ka ho u bona u sa ka oa. . . U ne u tla 'Nea Mora ea mong ho uena.”

201 'Me nakong eona eo, pheleu e ne e tšoasitsoe ka linaka, feelleng, ka morao ho eena.

202 Ke batla ho le botsa taba, moena, khaitseli. Pheleu eo e hlahile kae? Shebang, u morao mono, leeto la matsatsi a mararo hole le tsoelopele, nahathote, moo litau li leng teng, liphokojoe, le lintja tsa mefuta eohle le libata, le lintho morao mono li ka bolaea pheleu eo hona joale. 'Me, shebang, o holimo koana qhoeng ea thaba moo metsi a leng sieo. 'Me o ile a thonaka majoe hohle mono, a haha aletare ena, 'me pheleu e le sieo. Empa eitseha Molimo o hloka e 'ngoe, e ne e le teng. 'Me e ne e se pono. O e hlabile 'me mali a tsoa ho eona. E shoele. Molimo o e buile hore e be teng motsotsong ona, 'me Abrahamama a e tlosa motsotsong o latelang. Le a bona? *Jehova-Jire*, “Morena o tla Itlhahisetsa konyana.”

203 Ha se ntho e ka etsoang hore pheleu e be teng mono. Ha motho a tseba ka linku morung, lehoatateng le kang leo, ka mono moo liphoofole tsohle tse hlaha le lintho tse rusullang morao mono li ka bolaea pheleu eo hona joale. E ke ke ea ba teng morao mono. Le mona, holimo holim'a thaba moo metsi a leng sieo, joang kapa letho holimo mono, 'me e ne e le sieo metsotso e 'maloa pele ho moo. 'Me ka motsotso feela oo Molimo o neng o hloka pheleu eo, keha e le eo; O e bopile ka lentsoe.

204 Joalokaha A iponahalitse ho eena tlase mono. Elohim, O ne a hloka 'mele, O ne a hloka 'mele ho theohela lefatšeng ka hare ho ona, ka hona A phutha leseli la k'hosmiki le lipetroleamo, le joalo-joalo, 'me a kena ho ona. Le a bona, Ke Molimo.

205 O tla u sebetsa joalo, hoba o fetohe molora o sa tlang khaba leroleng. O sa ntse a tla bua, 'me u tla ba teng. O tla bitsa lebitso la hau, 'me u tla arabela. Peo ea Abrahamana, ha se le e . . . tšepiso eo e phethiloe.

206 Lemohang, e ne e le pheleu. Joale haeba le ka nka motsotso o mong hape, ke rata ho hlalosa sena. Le a tseba, bosiu bo bong ke e siile e lokotseha. Ha ke eso e hlalose kereke ea ka. Hopolang mohla A ne a thasisetsa sehlabelo seo, ho thasisetsa selekane seo ho eena; ho tsoara pōli e tšehali, ho tsoara sethole (namane), le ho li khekheha ka lehare, le ho nka pheleu. Joale, hopolang, mohla Peō ea borena ea tumelo ea Hae, hopolang, e ne e se tšali, e ne e le Tona. E ne e le Tona, tšepiso e phethiloe. Lemohang, pheleu, tona; Tona, ho kopana le Lentsoe. Ke Lentsoe, Pheleu eo, e seng tšali. Li nyehetsoe pele, hopolang, Genese 15, bo tšali; e ne e le tsa pele ho theoha; eaba o nka pheleu. Pheleu e ne e le ea ho qetela. Tona, Pheleu, Lentsoe le hlophisitsoeng; e seng pōli e tšehali, mokhatlo, kereke. Le a bona? E seng tšali, kereke; empa Tona, Pheleu. Amen. Ke lona lebaka leo A hlalileng ka 'Mesa.

207 E seng ka Tšitoe joalo ka ha kereke ea Roma e le beile, letsatsi la tsoalo ea molimo oa letsatsi, le ho le kopanya le la Hae, holimo mono ka la mashome a mabeli a metso e mehlano Tšitoe, mohla liserekisi tsa bona li neng li tsoeletse, haeba u nkile e—e . . . u balile nalane ea kereke. 'Me le a utloisisa hore ba beile seo holimo mono, ho e etsa . . . E ne e le letsatsi la tsoalo la molimo oa letsatsi, mahlahana a letsatsi, mohla le batlang le ema tsii. Ha ho phethoho ho eona matsatsi a mahllano, ho tloha ka Tšitoe oa mashome a mabeli ho fihla ho mashome a mabeli a metso e mehlano. Ba hloma letsatsi la Mora Molimo le letsatsi la tsoalo ea molimo-letsatsi ka ho tsoana, ho qeka Bokreste ka bohetene, ho le fetola Tšitoe. A ka be a sa tsoaloa ka Tšitoe mashome a mabeli le metso e mehlano, khele, lithaba li roetse lehloa holimo mono Judea.

208 O tsoetsoe joaloka likonyana tsohle. O tsoetsoe sehlang sa selemo. 'Me O ne a tlameha ho tsoaloa tlas'a pheleu, hobane E ne e le Pheleu, 'me pheleu e ne e le 'Mesa. Ka nēpo. O hlahetse tlas'a pheleu eo. Ke seo A neng a le sona. E ne e le Pheleu ea Molimo. E ne e le Eena holimo mono ea nkileng sebaka sa Isaaka. Amen. Ha le e bone na?

209 Ke moo, ho bontša mona ka ho hlaka, Monyaluo-a-Peō ea borena a ke ke a reelloa ka tšali, kereke, sehlabelo sa poli e tšehali ea bolumeli. Che. Empa ke Eena, Lentsoe le bonahalitsoeng la Pheleu, hoba Ke Lentsoe le Pheleu, ke hona. E seng ho bitsoa, O boletse, e seng ho bitsoa ka lebitso la *tšali*, empa, "Ho bitsoa ka Lebitso la *Tona*. O ne a tla ntša batho ho Balichaba," e seng bakeng sa lebitso la tšali, empa, "bakeng sa Lebitso la *Tona*," o ne a tla jara Lebitso la Hae. Oh, khili! Ebe le e tšaba ka lebaka lefe, ke hona? Molichaba o tla jara Lebitso la Hae, Pheleu; e seng lebitso la tšali, kereke. E seng tšali; empa Tona! Alleluia!

210 Peo ea borena e ne e tla E bona. Na ha le bone Malakia 4 e etsahala? “Ho khutlisetsa morao Tumelong ea mantlha, Lentsoe la Molimo!” Ruri lona batho ting le ka bona seo. Ha rea tlameha ho e hlakisa ho feta. Bolumeli boo bo ke bo fete. Monna, khutlela Lentsoeng leo. 'Me Lentsoe la letsatsi la ho qetela, le pontšo ea letsatsi la ho qetela, ke ho khutlisetsa batho Tumelong ea mantlha, Malakia 4 e boletse joalo, morao Lentsoeng.

211 'Me E ne e le Lentsoe, e seng tšali; Tona, amen, Lebitso la Morena Jesu; Lentsoe le netefalitsong joale ka tšepiso, Lentsoe le tšepisitseng.

212 Santa Johanne 14:12, “Mesebetsi eo Ke e etsang, le tla e etsa le lona.” Malakia 4, eona ntho eo e boletseng mono. Hape, Luka 17 e a re bolella, ho re, matsatsing a qetelo ponahatso ea lefatše e tla be e lutse ka nepahalo, “joaloka matsatsing a Sodoma,” 'me Molimo o tla theoaha, ho bonahatsoa ka nama ea motho, 'me o tla tseba makunutu a lipelō. Hmm, hmm. Jesu o buile ntho eo, 'me e tla etsahala, “mehleleng eo Mora motho a senoloang,” pheletsong ea lefatše.

Ua bona, ha se kereke, “Ingolise le *sena*, ingolise le *sane*.”

213 Ke, ho tla ho Eena! Ke seo peo ea Abrahamana e se fumaneng mono, sehlabelo se hlahisitsoeng, sebakeng sa peo ea hae ea sebele. Ho ka thoeng ka Peō ea hae ea moea, amen, Peō ea Hae ea borena, Peō Mofumahali? Amen. Oh, hola feela u ka e bona! Hopolang, ke eng? Ke nama le Moea tse kōpanang, li eba bang.

214 Shebang ho Mattheu, khaolo ea 3. Nama e ne e le ena, Mora Molimo ea tsoetsoeng ke moroetsana, a theoaha ho tsoa e— e motseng, a tsoela kantle ho Johanne Mokolobetsi.

215 'Me e ne e le eo, a eme metsing. Bibe e boletse, “Kamehla Lentsoe la Morena le tlela moporofeta.” Na ho joalo? 'Me Johanne e ne e le moporofeta. Ba ne ba hlokile moporofeta ka lilemo tse makholo.

216 Empa e ne e le enoa, moporofeta a eme mono, 'me o ne a porofeta hore Jesu o tla fihla. A kile a lula kantle feelleng, 'me a ipolela a bone pontšo. Molimo o 'moleletse hoba pontšo eo e tla latela Messia eo, mohla A tlang. A re, “O eme har'a lōna nqa e 'ngoe joale. E Mong o teng har'a lona, Eo ke sa lokelang ho lokolla lieta tsa hae. O tla bonahatsoa ka le leng la matsatsi ana. 'Me mohla A etsang, ke tla bōba, O tla eketseha.”

217 A tsoatsoa a talimme, 'me a bona pontšo eo; a re, “Ke Enoa a etla joale. Bonang Konyana ea Molimo e tlosang sebe sa lefatše.”

218 Moreri oa khale oa Baptise, Ngaka Davis, ea nkolobelelitseng bolekaneng ba kereke ea Baptise, a qoqa le 'na khetlo le leng. A re, “U tseba se etsahatseng mono, Billy?”

'Me ka re, “Che, lekhale, Ngaka.”

219 A re, “Se etsahetseng ke sena. Johanne o ne a eso kolobetsoe.” Ho re, “Johanne o kolobelitse Jesu, eaba Jesu o khutla a kolobetsa Johanne.”

Ka re, “Ha ke—ke tsebe letho ka seo.”

220 Ka hona ka 'na ka rapela ka eona. Bosiu bo bong ponong, e ne e le ena. Le a bona? Ha A etsa hoo lekhale, lekhale ka mohla, Jesu ha a kolobetsa Johanne. Be, eng?

221 A re, “Ke hloka ho kolobetsoa ke Uena, 'me U tlelang ho 'na?” Jesu o itse, “Lumella ho be joalo.”

222 Shebang mahlo a mabeli ao, banna ba babeli ba sehloho lefatšeng; Molimo e ne e le *eo*, moporofeta oa Hae e ne e le *enoa*, 'me Lentsoe le tla ho moporofeta. Haeba Lentsoe le le nameng, Le tla ea ho moporofeta. Ho sa tsotelehe moo Le leng teng, Le tla ea ho moporofeta. E tlamehile joalo. Bibe e itsalo. Che . . . 'Me ke mona ho fihla . . . E ne e le Lentsoe. “Lentsoe le ne le le tšimolohong. 'Me Lentsoe le ne le etsoe nama la aha har'a rōna.” 'Me Lentsoe ke lena le tla ho moporofeta, hantle kantle metsing, ho phethahatsa le ho netefatsa seporofeto sa hae. Amen. Ke enoa O eme mono, 'me mona mahlo a mabeli ao a kopana; e mong moporofeta, 'me e mong Lentsoe.

223 'Me eena, Johanne, a ikokobetsa pel'a Hae, a re, “Ke hloka ho kolobetsoa ke Uena, 'me U tlelang ho 'na?”

224 A re, “Lumella ho be joalo, hoba eka khona rōna,” re lōketse joalo, ua bona, “eka khona ho etsoe ho phethahatsoe ho loketseng hohle.”

225 Johanne, ka ho ba moporofeta 'me o tsebile Lentsoe leo, hobane Lentsoe le tla ho eèna, o tsebile hoba eo e ne e le Sehlabelo. 'Me ho latela Molao, Sehlabelo se ne se lokela ho hlatsua pele se hlaisoa. Ke eona hantle. O kolobelitse Jesu hobane E ne e le Sehlabelo se tlang. Pele A ka ea bophelong ba Hae ba pontšeng, O ne a loketse ho kolobetsoa, hobane Sehlabelo se tšoanela ho hlatsua pele se hlaisoa. Amen. 'Me o Mo kolobelitse.

226 'Me hoba a etse, A tsoa metsing. 'Me a sheba holimo 'me a bona Moea oa Molimo, o kang leeba, 'me Lentsoe le tsoa ho Lona, la re, “Enoa ke Mora oa Ka ea ratoang eo Ke khahlisoang ke ho lula ho eèna.” Molimo le motho ba eba bang.

227 Adama le Eva ba ne ba le bang, tšimolohong. 'Me eitseha A ba arola, tšali a tlola, ka baka la Lentsoe. A fosa Lentsoe. O ile a tlola.

228 Ho joalo le ka mongoa oa kereke ka 'ngoe, o oele joalo, ka ho toloka Lentsoe hampe. Ho lumella toloko, hore Satane ea E toloketseng Eva, “Oh, ehlile *Hoo* ke ke ha ba joalo. Ruri *Sena*, ruri *tse*na tsohle li ke ke tsa eba joalo. *Sena* se ke ke sa khona. Oh, e, kea tseba, ruri. . . .”

229 Empa ha Molimo o boletse joalo, hoo ho E etsa joalo. Ha ho letho la “ka ’nete” ho Lona. U lokela ho tsoaloa labobeli. U tlameha ho amohela Moea o Halalelang. Ke hoo kapa ho timela! Lemohang.

230 'Me ke enoa A—ke enoa A kena, Jesu le Molimo ba eba bang. Ba ile ba kopana.

231 Joaloka Edene, moo Adama le Eva ba neng ba le joalo tšimolohong, moea o tšoanang. Mabitso a bona a bitsitsoe Adama. Ua bona? E ne e le Adama le Eva bobeli, 'moho. 'Me mohla a neng a aroloa, ho fetisoa tekong, ha etsahala'ng? Eva o tlotse, ka Lentsoe. E ne e le Lentsoe. Adama o tsoile a mo sala morao, ho mo lopolla, empa o sitiloe ho etsa hoo. O ne a sa lokela ho mo lopolla.

232 Eaba ho latela Adama oa Bobeli, ho lopolla Kereke, e neng e le seriti le papiso.

233 Joale, ruri joalokaha Adama le Eva ba ne ba loketse ho ba moea o tšoanang, Krete le Kereke eka khona e be Moea o le mong, tšebetso e tšoanang. “Lintho tseo Ke li etsang, le lōna le tla li etsa.” Le bona seo ke se bolelang? Ba ne ba loketse ho kopana 'moho. Nama le mali, le Molimo, ba loketse ho kopana 'me ebe Moea o le mong. 'Me Jesu Krete le Kereke ea Hae ke Moea o le mong. Kereke e ka hana popo joang, kereke e ka latola joang seo Krete a ba boleletseng ho se etsa, re ka Le latola joang 'me re ntano ipolela re le ba Krete? “Ekare ha le lula ho 'Na, le Mantsoe a Ka a lula ho lona, kopang seo le se batlang 'me le tla se neoa. Ke 'na sefate sa Morara, lona le makala, 'me Bophelo bo ka hara morara bo kena lekaleng ho bea tholoana.” Ba behang litholoana!

234 “'Me setho sefe se sa beheng tholoana tse monate, se a rengo.” Mekhatlo e entse joalo, e a e pshatla, e tsoaka Lentsoe, 'me ea qala joalo. 'Me e mong o qala ka mokhoa *ona*, le e mong ka tsela *eane*, 'me, ntho ea pele le a tseba, ha kena sekhakhatha sa boRicky ba 'maloa 'me ba kenya mohopolo oa bona ho eona, 'me, ntho ea pele le a tseba, e fetoha sehlophahali sa Babilona. O e hlaola feela.

235 Ha ho mohla mokhatlo o kileng oa tsoha le ka mohla, empa o oele. 'Me o mong le o mong o oele, ha o a hlola o khutlile hape. Ke phepetsa mang kapa mang. E, monghali. Le tseba nalane. Ha ho eso be le o mong. Molimo, hang feela ha ba hlophisa, O ba beha rakeng, 'me ke phetho ka eona. O tla nka motho nqa e 'ngoe, ho e ntša hantle feela. Ruri.

236 Lemohang tabeng ena joale, ba tlameha ho fetoha bang. Jesu o boletse, ke hona, “Bophelo bo leng ka ho Eena bo tla kena ka har'a Kereke ea Hae.” 'Me seo A se tšepisitseng hantle matsatsing a qetelo ke sena, hore Bophelo bo nong bo le ka ho Krete, bo neng bo le ka ho . . . bo tla bonahatsoa matsatsing ao lefatše

le leng maemong a Sodoma joaloka hona joale. Ha u bone na, moena, khaitsetsi?

237 Ho ngolisa kerekeng ho thusang ha u se na Krete bophelong ba hau, 'me Krete o Itsebisa bophelong ba hau? Ua bona, ke eona. "Mehlolo e tla tsamaea le ba lumelang ke eona ena." O itsalo. U ka e bua joang, haeba e se joalo, u ka ipitsa oa Krete joang?

238 U re, "Moena Branham, u nahana hore u ka hona joang hore ntho eo e khomarele batho, letsatsing lena la bohlaledi mohlathole e leng mokhatlo oa bolumeli?"

239 Ke botsitse mosali, nakoana e fetileng, "Na u Mokreste?" Kokelong. A re, "Ke batla u utloisise hore ke hotetsa kerese bosiu bo bong le bo bong." Eka hoja e amana le Bokreste ka letho? Ke ne ke . . .

240 Ka tloha ka ea rapella mosali e mong, 'me ka . . . mofumahali e mong a robetse mono, a kula, eena le mora oa hae. 'Me ka re . . . Ka kena. Ka re, "Mofumahali, na u ka . . . Yaa," ka re, "Ke a tseba u mang. U Mof. Oliver."

241 A re, "E, Moena Branham." A re, "Esale ke kula haholo, Moena Branham. Ngaka ha e fumane bothata ba ka. Na u ka rapela? Ke ka hona ke u bitsitseng?"

242 Ka re, "Ehlile, Khaitsetsi Oliver." Ka re, "Na u ka tsotella ho inamisa hlooho ea hau?"

243 Ho re, "Bea butle motsotso! Koala lesira leo!"

244 'Me ka re, "Be, ho lokile." Ka re, "Ke tli'l'o rapela feela. Na u Mokreste?"

A re, "Rona re Methodise."

245 "Be," ka re, "hase seo ke u botsitseng sona. Ke u botsitse haeba u le Mokreste."

A re, "Hula lesira leo!"

246 Le a bona, e patisane hakaalo feela. Motho a ka ba joalo joang le ka mohlathole? Boo ke botšo le lefifi, phapang ea liphutheho tsa bolumeli ho ba khaolela hole le mahlohonolo a Molimo. Taba eo e etsahala liphuthehong tsohle tsa bolumeli. Ke hantle. Moena, u se ke oa ea ho *tšali*; nka Tona. U se ke ua nka lebitso la *tšali*; nka la Tona, u a bona, nka Lebitso la Hae.

247 U re, "Moena Branham, u ka e khomaarisa joang kajeno? E tla khonahala joang?"

248 O entse tšepiso ea hore O tla etsa, ho re, "Se tšaben, mohlatsoana, ke thato ea Ntat'a lōna ho le fa 'Musu."

"O tla e khona joang?"

249 E sa ntse e le Jehova-Jire. E sa ntse e le Jehova-Jire. Molimo o ka Iponela Kereke. "O khona ho tsoetsa Abrahama bana le ka majoe ana." Eena, ruri, Ke Jehova-Jire.

U re, “Na e tla sebetsa?” E tiile. Molimo o e tšepisitse.

“U nahana hore u tla e etsa le ka mohla . . . ?”

²⁵⁰ Nke ke ka khona, empa O tla khona. Ha kea jara boikarabelo ba ho E etsisa. Ke jere boikarabelo ba ho E rera feela. Ke mosebetsi oa Hae ho E tiisa. Ke Eena eo. Ha ke ema ka 'Nete, O tla ema le Eona. O e pakile, 'me O tla e etsa.

U re, “Ho lefifi haholo.”

²⁵¹ E, kea tseba hore ho lefifi le tšabehang. Le baliosa bohle ba kenang mokhatlong o moholo ona, ho ea hlabong.

“Joale u tla etsa joang ka seo?”

²⁵² E mpa e nkhopotsa pale e nyenyane. Nka bua sena pele ke koala. Tlase Carlsbad, New Mexico, mona, ba na le malumela mono, le a tseba. Ba—ba lokela ho theohela tlase botebo bo kaa ka maele, tlase ka mono. Ha ke eso rate ntho eo. Ba lula ba itšoanela le mokunyane fatše. 'Me ea theohela ka mono, 'me, oh, ho fifala khitla ea bosiu tlase mono. 'Me ngoanana enoa ke eo o eme, oh, mohlomong, joalo ka mothoana eo *mono*. 'Me moenanyana oa hae a eme *mona*, lehlakoreng le leng, le lesupatsela le neng le ba theola. Ka hona ba ne ba eme tlase sebakeng sena se lefifi, 'me ho le khanya mohlang oo, mabone 'ohle a bonesitsoe. 'Me monna enoa, bakeng sa . . .

²⁵³ Lesupatsela la atamela lebone. 'Me moshanyana enoa a tsamaea le eena, a shebile lesupatsela. Kahoo mosupatsela a fihla moo, 'me a nka switch ena 'me a tima swichi feela. Oh, khili, le bua ka lefifi! Botebo ba maele fatše, u a tseba, ho fifala hoo u sa khoneng ho tsokotsa letsoho la hau, ha u bone letho.

²⁵⁴ 'Me ngoanana eo a ntse a hooelets a se khitla ka hohle. O ne a tlolela holimo-le-tlase 'me a hooelets a, hooelets a ka matla . . .

²⁵⁵ 'Me mohoo ohle, moshanyana a eme lehlakoreng le leng, a re, “Oh, khaitselinyana! Oh, khaitselinyana!”

A re, “U batla'ng, moenanyana?”

²⁵⁶ A re, “U se ke ua tšoha. Monna o teng mona ea ka khantšang maseli.”

²⁵⁷ Monna o teng mona ea ka khantšang Maseli. Eèna, Ke Jehova-Jire. Ua bona? Monna o teng mona, ea har'a rōna bosiu bona, Moea o Halalelang, A ka khantša Maseli. Ke Lentsoe, Monna mona ea ka khantšang Maseli. Ha ke tsebe O tla e sebetsa joang. Ha kea tlameha ho tseba, empa O tseba mokhoa oa ho tobetsa swichi. O entse tšepiso. O e entse holimo mono mohla Abraham a neng a behile thipa ea hae holim'a 'metso oa mora oa hae; A khantša Leseli. Yaa. A ka khantša Leseli hape bosiu bona.

²⁵⁸ Ha re inamiseng lihlooho tsa rōna motsotso feela. Molimo a thuse, A tle a khoephetse swichi eo pelōng ea hau.

259 Metsoalle, vekeng ena le bone Moea o Halalelang o moholo har'a rona. Ha ho potso nthong eo. Empa, oh, e re Leseli le lenyenyane leo le khantše, bosiuung bona. Le se E fose, moena oa ka, khaitseli. Ke nahana hore feela ka khaolonyana ena mona ea—ea Abrahamama, e pakile, ho e hokahanya feela pele le morao, ho qala ho Genese ho isa ho Tšenolo, e pakile hora eo re phelang ho eona; Kreste, ea hannaeng sechabeng sa rōna hape; litšisinyeho tsa lefatše libakeng tse ngata; Sodoma le Gomora; kereke maamong a eona, e bopa ka nepahalo setšoantšo sa sebata. Lintho tsena tsohle li etsahetse, kamoo Bibeletse e boletseng, 'me lona batho le tseba seo. Le a bona? Joale kante ho boiphihlelo bo boholo bona le Kreste, haeba Bophelo ba Kreste bo kena ka ho uena. . . .

260 Joale ichebe seipooneng sa Molimo, u bone haeba u ka iketsa setlama bosiuung bona. Haeba u ne u phela matsatsing a—a Nohe, nakong ea moroallo, o ne o tla amahanngoa le lehlakore lefe? Haeba u ne u phela mehleng ea Moshe, u ka be u le ka lehlakoreng lefe? Holane u phetse matsatsing a Kreste, mohla likereke tsohle li ne li le khahlano le Eena? A tlameha ho ema a le mong kante mono, le lintho tseo A li entseng. Ntho feela, e ne e le Molimo le Eena, ke eona feela ntho. Esita le barutuo ba Hae bohle, mohlomong, ba Mo furaletse. Empa ke lehlakore lefe, maemo a hau a joale feela, u ka be u le kae, u tla ema lehlakoreng lefe? O ka ema lehlakoreng lefe hona joale, ha u 'Mona hape hara rona?

261 Joale O teng mona, 'me a ka khantša Leseli pelōng ea hau, le ho tlatsa bophelo ba hau feela ka Moea o Halalelang. Ba bakae ka mona joale, le sa inamisitse lihlooho tsa rōna, le lipelō tsa lōna, hape, ba tla rapela le 'na nakoana feela?

262 Joale, Ntate oa Leholimō, rea tseba ha U tle feela le—le ho etsa lintho ho supa feela hore U ka e etsa. U e etsa ka morero. 'Me, Morena, vekeng ena, ke utloile ke tataisoa ho ema ho fihlela motsotsong ona, khetlong lena, hore pele ba bone hore Lentsoe le tiisitsoe. Ha ho sa na potso efe hona joale. 'Me semelo sena se le seng, Abrahamama, athe baphetoa bohle ka Bibeleng ba bofeletsoe hantle kahara eona, 'me re bona moo re lutseng teng hona joale.

263 Ntate, ka lentsoe le pshatlehileng, empa ke bokhabane boo nka bo etsang. Ke rapela joale hore Moea o Halalelang o moholo o leng teng mona, o tsebang lekunutu la pelo e 'ngoe le e 'ngoe, o tla bua le pelo eo hona joale. Etsa, Morena. Bua le eo ea sa tl'o tsamaea, hola U ka tla bosiuung bona, hola monyako o ka koaloa bosiuung bona, ha ba ka shoa tseleng e khutlelang hae, kapa ba thuloa ke koloi 'me ba bolaoa, kapa ho shoa, ho fumanoa ba shoele liphateng hoseng, ba ke ke ba bolokeha. Oho Molimo, se lumelle mang oa bona ho nka tsela eo hle.

264 Haeba ba ingolisitse le kereke, Morena, ba se be lihlong ho tsoa ba kōpa Molimo ho tlatsoa ka Moea oa Hae, hore Bophelo ba Hae bo kene ho bona. Haeba ba eso utloisise lintho tsena;

le barutuo a ha ba khona, empa ba tiisetša ho fihlela Moea o Halalelang o tšolloa, eaba ba E utloisisa, 'me ba ngola Biblele. Kea rapela, Ntate, joale, hore U bue le pelō e 'ngoe le e 'ngoe le ho ba tsebisa hobane Monna ea ka khantšang Leseli o monyako oa pelo ea bona hantle.

²⁶⁵ Ka lihlooho tsa rōna tse inamisitsoeng joale. Ke ba bakae ka mona ba tla tšepahala ruri, 'me ba re, "Moena Branham, ke—ke a tseba ha ke a loka ho Molimo"? Ke batla—ke batla u phahamise letsoho la hau. Lula u inamisitse hlooho ea hau, e mong le e mong, empa phahamisa letsoho la hau. "Ha ke a loka ho Molimo." Molimo a u hlohonolofatse. Molimo a u hlohonolofatse. E. "Na," matsoho, "Ke a tseba ha ke a loka ho Molimo."

²⁶⁶ Le a bona, seo ke lekang ho se etsa, ho fumana mohau ho Molimo bakeng sa tšebeletso ena e kholo ea pholiso hosane. Ha nka fumana mohau, ha ke—ke—ke lumele ho tla sala letho haese le tla etsahala, Molimo o tla folisa, ha nka etsa hore batho ba lumele.

²⁶⁷ Joale, lōna ba se nang kolobetso ea Moea o Halalelang, 'me lea tseba hoo ke Oli. Haeba u se na Oli lamping, ba ne ba sa kene.

²⁶⁸ 'Me na le kile la utloa ka nako e kang eo, lipampiring, moo Mapresbeteriene, Maluthere... Shebang makasine oa Borakhoebo ba Bakreste. Maluthere, Presbeteriene, esita le Katolike, ba batla ho fumana kolobetso ea Moea o Halalelang, ka makholo. 'Me kea ipotsa na ebe Full Gospel Business Men eo ha ba E utloisisa na?

²⁶⁹ Biblele e boletse, "Mohla ba tlileng, ho re, 'Re qhatsetseng oli ea lona,' ba itsalo." Moroetsana ea robotseng, ba lemohile hoba ba bile le nako eo eohle ho fumana Oli, empa ha ba e etsa. Eare ha Monyali a se a tla fihla, ba re, "Re feng Oli ea lona." Ba re, "E lekane rona feela. E-eang le ithekele ho ba rekisang." 'Me eare ba sa ile, Monyali a fihla, 'me Monyaluo a kena. 'Me ba lahleloa lefifing le kantle, ho tsoha le ho fumana Hloibilo e felile. "Me ba sala moo ho tla ba le lillo le liboko," lekhathe la Matšoenyehō, "le litsikitlano tsa meno."

²⁷⁰ Moena oa ka, khaitseli, bosiuung bona, motsoalle oa ka, ha u se na Moea o Halalelang, na u ka... kapa ho ahloleha ka ho lekana ho tseba hore u lokela ho O fumana, na u ka phahamisa letsoho la hau, ho re, "Nthapelle, Moena Branham. Kea lumela re ka pel'a Sefahleho sa Molimo. Nthapelle. Ha ke na Moea o Halalelang." Molimo a le hlohonolofatse. Shebang matsoho feela, hohle. Na le a E batla, ke hona?

²⁷¹ Joale kea tseba, ho lona Mamethodise le Mabaptise, le joalo-joalo, ho na le bohanya bo bongata bo salang molaetsa ofe kapa ofe morao.

²⁷² Joale ho lona Maluthere. Ke ne ke bala pale ea Martin Luther feela, e 'ngoe ea libuka tsa hae e ngotsoeng ka eena, nakoana e fetileng mona. Ba itse, "Ha se mohlolo ha Martin Luther a

hanetse kereke ea Katolike 'me a phomella, empa ho phahamisa hlooho ea hae holim'a bohanya bohle bo latetseng tsoseletso ea hae."

273 'Me hoo ho a khemisana, ho na le letšoele le tsoakaneng le tsoseletso e 'ngoe le e 'ngoe. Le tseba seo. Empa joale, hopolang, hoo ho supa feela hore ea makhontho e teng. Ha u bona dolara ea moshaqane, kapa motho ea itseng a iketsisa ntho, hopola feela hore ho na le e 'ngoe ea 'nete e entsoeng ka eona. Haeba ho se joalo, ke eona ea mantlha. Le a bona? Ka baka leo le a tseba hoo e ke ke ea eba ea mantlha, ka baka leo ea mantlha e loketse ho ba teng.

274 'Me ea mantlha ke Jesu Krete, Ea leng teng mona, ea tsebang sephiri se seng le se seng ka pelong ea hau hona joale. 'Me joale ke tla le botsa, haeba le 'Mone, le ho utloa mapaki ana a lintho tsa mefuta eohle tse folisitsoeng, le kamoo lipelō tsa batho li tsebiloeng vekeng ena, 'me u . . . Ke Eena ea buang le uena. Ke Eena eo. Kea ipotsa hore na le ka lumela ha ke le rapella, le lona, e tla le thusa na?

275 Hopolang, Moea o Halalelang o ile oa abjoa ka peho ea matsoho. Petrose, hoba Filipi a theohele Samaria a kolobetse batho bohle tlase mono, ka Lebitso la Jesu Krete, leha ho le joalo, Petrose a theohele 'me a ba bea matsoho, 'me Moea o Halalelang oa theohela holima bona. Le a bona?

276 Joale haeba u lumela seo, ke a ipotsa u ka nyolohela mona, e mong le e mong ea sa bolokehang, kapa ba se na Moea o Halalelang, ba ka tla mona ba ema mona motsotso feela, e re ke le rapelle. Haeba u tsoa aeseleng, ho sa tsotelehe moo u leng teng, ema mona feela. Nyolohela mona feela 'me e re ke—e re ke rapele le uena nakoana feela. Molimo a u hlohonolofatse.

277 Joale e mong le e mong a bine joale. *Ke Batlile Ke Lumela*, ka kōpo. Khaitseli Downing, mona, ka kōpo hle. Ho lokile.

278 Na u ke ke oa tla mona hantle, baena ba ka? Molimo a u hlohonolofatse, moena oa ka. Motho e mong le e mong a khutse haholo joale, a rapela. Ona ekaba motsotso o mahlonoko, o ka bolela phapang lipakeng tsa lefu le Bophelo, ho batho ba bangata, ngata.

279 Na le bile mona vekeng ee? Na le bone Moea o Halalelang, seo A se entseng vekeng ena har'a batho?

“ . . . -ded,” Krete ho amohela;
Oh, Eena joale, moea o itseng ho . . .

280 Na u ke ke ua tla, u se nang Molimo, u se nang Moea o Halalelang? U re, “Ke setho sa kereke, Moena Branham”? Ke sona, ha se seo ke buang ka sona. Ke bolela, na u tletse Moea oa Molimo?

“ . . . ho feta . . . ”

281 U ke ke oa fumana letsatsi le bohlokoa ho feta hona joale, mohla Jesu Krete a ne a tsebahatsoa hara rona.

“ . . . ho Uena . . . ”

282 Ho ka thoe'ng haeba u ka shoa pele ho hoseng? 'Me joale u sa khone ho letsa. Na u ke ke ua tla joale A sa bitsa?

“Ke batlile ke lumela,” . . .

Ke hantle, 'nong le theohe hantle.

. . . tloo, tloo kajeno;

“Ke batlile ke lumela,” se hane . . .

283 Na u ke ke oa tla joale? Ke tseba ntho e 'ngoe ka pelong ea ka e mpoellang hore ho na le motho ea honyelang. O se ke oa e etsa, moena, o se ke oa e etsa!

. . . Mangeloi a lika-lika haufi,

Lithapelo li tsoa lipelong tse ratehang; Uena moleleri, tloo. (Hona joale ke 'nete . . .)

284 Mamelala, motsoalle. U a lumela Moea o Halalelang, vekeng ena, o pakile A bua mona? Ha re boneng letsoho la hau. Eka khona ebe bongata bo fetang mona, kapa ho feta. Ke utloa Maikutlo ao. Ua bona, ha A eso . . . Phoso e sa le teng. U mpe u tle.

285 Hopolang, nke ke—nke ke ka u qobella ho ema khahlano le thato ea hau. Empa ke lumela ena e ka ba nako, sohle seo esale u se shebeletse, e ka ba se mothating oa ho etsahala hona joale. 'Me mona ekaba, kea kholoa ha se eona, e ka ba khetlo la ho qetela u tla bitsoa. Hopolang, A ke ke a mamella kamehla. O tla bitsa, ke moo A tla le furalla, ho se hlola a khutla.

286 Hobaneng u sa tle hona joale? Na u ke ke ua nyolohela mona 'me ua itlaha hisa pel'a Molimo? Ho re, “Ke tla ema. Ke tla khetha tsela. Ha ke lihlolong. Ke setho sa kereke, empa ke batla lefatše lohle le tsebe hoba ke itokiselitse ho amohela Krete pelōng ea ka, Moea o Halalelang. Ke tla joale ho e etsa. Ke itokiselitse ho tsepama, ho ba Mokreste oa sebele, mofumahali oa sebele, monna oa sebele.” Na u ke ke ua tla? Re tla ema feela. Theohe hantle, ke hantle, ho tsoa liotloaneng le lipakeng tsa litulo. Theohela mona, ema feela.

287 Motsoalle, mohlomong nke ke ka hlola ke u bona mose ona oa nako e monate. Empa ha ke sa khone, hopolang, ke tla hloka sekoli joale, le Krete o joalo. O Itsebahalitse le uena. U tla 'Mona a etsa hona hoo nakoaneng. Ho lokile. Joale theohe, ema.

288 “Khele,” u re, “Moena Branham, u a nkahlola.” Che, ha ke etse.

289 Ke ahlola Maikutlo ana a ka ho 'na, le a bona. Ho na le Ntho e 'ngoe ka mona, e reng, “Oh, ho na le ba bang. Ho na le ba bangata hape.” Le a bona?

290 Joale u re, “Be, ’na, ke ngolisitse kerekeng, Moena Branham. Ke Mopentekosta. Ha ke—ke—ke. . .” Ha ke rialo, motsoalle. Ha ke kope seo, ho hang.

Ke a botsa, “Na u na le Bophelo ba Kreste?”

291 ’Me u re, “Moena Branham, ke buile ka lipuo.” Ke botle. Empa le joale ha se seo ke se botsang.

292 U re, “Moena Branham, ha ke eso lematse motho.” Le joale ha se seo ke se botsang.

“Na Bophelo ba Kreste bo ka ho uena?”

293 U se ke ua hakanya feela, motsoalle. U se ke, u se ke, u se ke ua etsa joalo. E tla ba mohla u. . . Mohla lefu le u otlang, nako e se e u siile. U se ke ua etsa joalo. Ka kōpo u se ke.

294 Joale re na le bongata mona hona joale, ke tla tlameha ho nehelka seabakanyana bakeng sa ba bang hape. Ke tlii’o rapella bana, re tle re kene, re kene phaposing re tle re ba behe matsoho, amohela Moea o Halalelang. ’Me joale re tla rapella bana.

Le inamise lihlooho tsa lōna nakoana feela.

295 Ntata rōna oa Leholimō, ke bana ba inameng mona, bao ke banna le basali, ke batho ba habileng Bosafeleng. Bao, ba tšoanela ho tsamaea, re tseba seo. ’Me re bona lithothomelo tsa lefatše, hoo, le lefatše malulong a lona joale. Le ho bona Kreste a tla ho rona le ho etsa lintho tseo A li etsang, le ho bona Molaetsa, Lentsoe le tsoa hantle, le ho Mo bona a khutla hantle a Le tšhetsa le ho Le nêfatsa e le ’Nete, ho tseba lekunutu lefe la pelō. ’Me joale batho bana ba tlile kapele ho ema. Ba ne ba ka sitoa ho iketsetsa sena. Ba tlile kahobane ba tataisitsoe ho tla.

296 ’Me, Ntate, ke ba rapella hantle mona. Ha se bakeng sa pholoho ea bona feela, ho bolokeha, empa ba ka tlatsoa ka Moea o Halalelang. Aba sena, Morena. E mong le e mong ea emeng mona a tlatsoe ka Moea, ’me ho tloha mona ho tsohe tsoeletso naheng ena, ba tla reketlisa sechaba sena le naha ena eohle ka mathoko. Aba sena, Morena.

297 ’Me kereke efe le efe, le Methodise, Baptise, Presbeteriene, kereke ea Kreste, Lutherane, e ka bang eng, ba fihleloe ke tsoeletso, Morena, ea batho bana ba khutlelang morao ka Moea o Halalelang oa sebele o bonahatsang Molimo maphelong a bona. Aba sena, Ntate. Ke ba Hau joale, ’me ke ba nyehela Uena. Joale re tla ba kenya re ba behe matsoho, Morena, ba tle ba amohele Moea o Halalelang. Ka Lebitso la Jesu.

Joale re sa inamisitse lihlooho tsa rōna bohle.

298 Ke kopa sehlopha *sena* joale, salang monna *enoa* morao hantle mona ea lephakong la lona, hore a tle a fumane, re tla fihlka ho lona morao mona ka phaposing. Re na le sebaka mona sa lona mona ho khumama; re tla le beha matsoho, hore le tle le amohele Moea o Halalelang. ’Me ha u kula, u tla fola. ’Me

sohle seo u se hlokang feela, e-ea hantle mona joale. Re ka kena le uena hantle. Ba bang ba tlamehile ho tla, empa ba—ba batla hanyenyane ba . . . Ha ho sebaka sa bona ho ema. Re mpa re batla ho phetha holo ena habeli; ho lokile, kenang hantle ka mona, ka lehlakoreng lena—lena ka *mona*. Ke hantle. Molimo a le hlohonolofatse.

²⁹⁹ Joale, ho lōna ba bang mona joale; etlere ha ba etsoa, hore'ng le sa nyolohela mona joale hape, bakeng sa thapelo. 'Me re tla tlatsa sebaka sena hape, tikolohong ena mona joale.

³⁰⁰ Re kena ka mono ho amohela kolobetso ea Moea o Halalelang. Re a kena.

³⁰¹ Hoba re bone boitsebiso ba Morena Jesu mona ka pel'a rona, vekeng ena, le ho tseba ntle le seriti sa pelaelo, hore ke Eena mona. Joale hopolang, 'ona Moea o Halalelang, eena Jesu ea eeng a mpoelle bothata ba batho bao, moo ba neng ba le teng, hore e ne e le bomang, ba ne ba tsoa kae, ho tla etsahalang ka bona. 'Me le a tseba ha eso hlollehe le ka mohla; 'me e ke ke ea khona, e ke ke ea khona le ka mohla. Oona Moea o Halalelang oo o mpoleletse ho etsa sena. Ke hantle. Ke e etsa ka boetapele ba Moea o Halalelang.

³⁰² Joale e re sena, hang ha sehlopha sena se kena phaposeng e 'ngoe ena mona, pele re ea mono, re batla le tle joale. Lona mona, tloong, nyolohang le nyolohe tjena joale. Ba bang ba lona mona ba batlang kolobetso ea Moea, na le ke ke la tla hona joale. Nyolohang le ka mona. Molimo a u hlohonolofatse, mohlankana. 'Me ha ba bang ba lona ba kula, 'me ba sa tlatsoa ka Moea o Halalelang, hobaneng le sa tle ho amohela Kreste, ho Mo amohela 'me u tla ema hantle ho feta bosiueng bona.

³⁰³ Mosali enoa o ile a otloa feela . . . o tlas'a tsuo hoo a sa khoneng ho e mamella. Ba mo thusa ho ea phaposeng. Tloong joale, lona, ba latelang mona joale. Sebaka se se ngata ka mathoko joale. Nyolohang, lona le leng litho tsa kereke, Mamethodise, Mabaptise. Ha re le kope ho . . .

³⁰⁴ Mamelang, metsoalle, kea tseba ba re, "Pentekosta, ba hlophisitse pentekosta." Hoo ho fosahetse.

³⁰⁵ Pentekosta ke boiphihlelo. Mamethodise a E fumana. Mabaptise a E fumana. Kaofela ha bona ba E fumana. Pentekosta ha e a hlophisoa. Ke boiphihlelo. 'Me haeba u eso fumane boiphihlelo ba pentekosta, tloo E amohele hona joale. Hopolang, haeba u lumela hoba ke mohlanka oa Hae, moporofeta oa Hae, hopola, kolobetso ea makhonthe ea Moea o Halalelang e teng. Hantle har'a bohanya bohle, ho sa na le Moea o Halalelang oa makhonthe, Bophelo ba makhonthe. U tle, E lumele hona joale.

³⁰⁶ Na u ke ke ua tla re sa bina e le 'ngoe, litemana tse peli tsa sefela sena, ke tle ke etse bonnete ba hore moea oa ka o hloekile

ha ke tloha motseng ona joale, mali a ke ke a ba holim'a oona?
Ke a tseba O bua le ba bang. Hobaneng u sa tle?

“...-mela” joale ho...kajeno;

Molimo a u hlohonolofatse, moshanyana e monyenyanane.
Molimo a le hlohonolofatse bohle ba emeng mona joale.

“Batl-...” (Ke hantle. Nyoloha.) “...-tlile
hle,”

³⁰⁷ Tloong, ho tsoa lehlakoreng lefe la mohaho. Ka ntle, ka hare,
liotloaneng, hohle, theohang le tle hona joale, hantle tlase mona.
Nka sebaka sa hau bakeng sa Krete. U se ke oa hlajoa ke lihlong
ka Eena. Holane u ne u shoa; ho ka thoe'ng haeba u utloa pelo ea
hau e tlōla-tlōla hona joale? 'Me, u hopole, Eo ea buang le uena,
O tšoere pelō ea hau letsohong la Hae. O tseba lekunutu la pelō ea
hau. Ke e bua ka Lebitso la Morena, ho na le ba bangata ba mona
ba lokelang ho tla. Hobaneng u sa tle? U re, “Na ke 'na, Moena
Branham?” E, ke uena. Haeba u sa tiea, u se ke ua hakanya feela.

...ratehang hle; Uena moleleri, tloo.

“Ke batlile ho lume-...” (Ke eona. Ke eona.)
“...-mela,” kotulo...

Ke hantle, kotulo e batla e fetile. Tloo.

“Batlile...”

³⁰⁸ Ka tsatsi le leng, nako e tla be e fetile. O se ke oa ema hora e
'ngoe hape, motsotso o mong. Ema hantle 'me u tle. Mohlankana,
tloo le motsoalle oa hau oa ngoanana. Tlisa motsoalle oa hau oa
moshanyana. 'Mè, tlisa ntate. Tloo, hona joale, e mong le e mong.
Mofumahatsana, mohlankana, u ka bang mang; monnamoholo,
mosalimoholo, tloo. Ke eona. Haeba u tsofetse, hopola seo ke sa
tsoa u bontša sona, ka Bible, u tla fetoloha ha u ka amohela Peō
ea Abraham a feela.

...se tla hloleha feela!

Se bohloko, se bohloko, sello seo: “O batlile,
empa u lahlehile!”

Ha re inamiseng lihlooho tsa rōna joale.

³⁰⁹ Morena Jesu, oho Molimo, hlahloba pelo e 'ngoe le e 'ngoe.
Lekola e 'ngoe le e 'ngoe, Moea o Halalelang o Moholo. Oho
Molimo, mona e se be lefeela, esita le motho a le mong. E mong
le e mong, e mong le e mong, Morena, a pholosoe. U se lumelle
e mong oa bona ho lelera, Morena. Ke a ba tseka, ka Lebitso
la Morena Jesu, e be—e be mahakoe a moqhaka oa Morena oa
ka, oh, Eo Boteng ba Hae bo leng mona joale, Topallo e kholo
ea Mollo e haolang har'a mohaho, e haola holim'a lipelo. Ke a
rapela, Molimo, hore pelo eo e tle e khaole mahlaahlela ao, le
ho phahama le ho tla ho Jesu Krete hamonate, ho re, “Morena,
sohle seo ke leng sona, ke 'na enoa. Nkuke o mpope, Morena, ka

tlung ea Hau e kholo ea sebopi; le ho ntlatša, le ho nketsa mora kapa morali oa Molimo.” Aba sena, Morena. Ho be joalo.

310 Re sa tsoella ho bina temana e ’ngoe hape, na le tla etsa joalo? Re tla tlameha ho koala joale, ka potlako, hoba re tlameha mona ho finyella ba bang bohle.

“O batli- . . .”

311 Tloo joale. Tloo hona joale, na u ke ke hle? Molimo a u hlohonolofatse, moratua. “Ka molomo oa masea, O amohela thorisō.”

Oh, “O batlile o lumela,” oh, se hane;

Jesu . . .

312 Ke Eena ea u memang, ho bua le pelo ea hau. “Kea ipotsa na ke ’na?” Haeba thojana ea pelaelo e le teng, tloo!

. . . a lika-lika haufi,

Lithapelo li tsoa lipelong tse ratehang; Uena moleleri, tloo.

313 Ha re inamiseng lihlooho tsa rōna joale, bana ba sa ntse ba itokisa. Joale e re le sa eme mona, le shebe fatše feela. Le sa hopola, u ne u tlameha ho tla ka ho re . . . Ntho e ’ngoe e futhang ka ho uena, ho u bolella hore phosonyana e teng bophelong ba hau. Ke tsota kemo ea lona. Hopolang, Jesu o itse, “Ha u le lihlong ka ’Na pel’a motho, Ke tla hlajoa ke lihlong ka uena pel’a Ntate oa Ka le Mangeloi a halalelang. Empa ea tla Mpolela pel’a motho, le eena Ke tla mo paka pel’a Ntate oa Ka le Mangeloi a halalelang.”

314 ’Me joale ho na le batho ba hlileng ba le ’maloa morao mona joale, ba ikemiselitseng ho kopana le rona joale thapelong, hore u tla boloheha le ho tlatsoa ka Moea o Halalelang. ’Molelle feela hore u masoabi ka seo o se entseng, ’me o tla ba Mokreste ho tloha joale ho tsoella, ka mohau oa Hae, ’me u batla kolobetso ea Moea o Halalelang e tla u tsamaisa leetong la bophelo.

315 Ntate oa Leholimō, ke mahakoe moqhakeng oa Hau. Ba ne ba ke ke ba tla, ba ne ba ke ke ba tla, Ntho e sa ba lemosa. ’Me U itse, “Ha ho ea ka tlang a sa huloe ke Ntate oa Ka. ’Me bohle bao Ntate a ’Neileng bona ba tla tla.” ’Me ke bana ba etla, ka Ntho e ba bolellang ho tla. Ebe U qala mosebetsi, Morena. Ke rapela hore U tle o e qete, bosiueng bona, ka ho bona, Morena, ka ho ba etsa bara le barali ba Molimo. Aba sena. Ho se be le ea mong oa bona ea lahlehang. Ke ba hlahisa ho Uena joale e le likhau tsa Lentsoe la Hau le Boteng ba Hau. Ka Lebiso la Jesu Krete. Amen.

316 Joale khutlela hantle ka phaposeng, ho fihlela re fihla ho uena. E-eang ho le letona, mona. Liashara li tla u isa teng.

317 ’Me joale—joale kea ipotsa haeba basebeletsi ba rona ba tla tla na, ho sala bana morao hantle, basebetsi ba bangata ba tsoang likerekeng tse ling.

318 Lona bareri ba batlang ho khutlela morao ka mono le rona joale, ho fumana haeba taba ena e entsoe hantle kapa che, le tle, khutlang le rōna. Tloong, khumamang le batho ba lona, hore ba amohele Moea o Halalelang. E mong le e mong, tloong hantle le... Lona bareri, mang oa lona, Methodise, Baptise, Presbeteriene, ho sa tsotelehe na u mang, tloo. U a mengoa. Tloo le batho bana.

319 'Me lōna ba sebetsang 'moho ba tsoang likerekeng tse fapaneng, ba tsebang ho rapela le batho, ba beheng matsoho, tloong joale. Bana ba—ba beiloe matsohong a lona; ke likhau tsa Lentsoe. Na u ke ke ua tla joale nakong ena, lōna ba sebetsang 'moho, le ho ea morao koana, pele re fetola kopano mona motsotso feela. Tloong joale, kenang hantle. Ho lokile. Khutlelang hantle ka phaposing, sebaka se se ngata morao mono joale. Khutlelang morao hantle le etse sohle seo le ka se khonang ho thusa batho bana ba ratehang. Mono, Jesu o ba tlisitse; O ba qhaultse ka letlooa la Evangeli. Joale le ba ise morao mono 'me re rapele le bona, Molimo a tle a tlatse e mong le e mong oa bona ka Moea o Halalelang. Koalang menyako, lulang hantle mono ho fihlela e etsahala. O tšepisitse hore E tla e etsa. 'Me O e tšepisitse, 'me O tla boloka tšepiso ea Hae. O tšepahala hakaalo tšepisong ea Hae, joaloka ho hlaha mona ka pel'a rona.

Morena, ba hlohonolofatse!

320 Bareri, na le teng mona? Bareri, basebeletsi, ba thahasellang ho alosa kapa ho tataisa batho ho amohela Moea o Halalelang, sebaka sa hau sa mosebetsi joale, tsamaea le bona, ema le batho ba heno, banna ba koetlisitsoeng hantle ba nang le boiphihlelo le Moea o Halalelang; 'me lona basali ba koetlisitsoeng hantle ba tsebang seo e se bolelang, le ka teana le likhaitseli tseo morao mono moo ba leng teng. Lona ba tsebang se ka etsoang, lulang le bona morao mono joale. Hona joale ke nako ea lona. Mona ke mohlala tema ea hau ea mosebetsi. Ona ke 'mala oa lona, joale ho ea. Molimo a le hlohonolofatse. Ke hantle. Nka sebaka sa hau u kene le bona mono, u lule mono u ikholise hoba—hoba e entsoe, 'me e entsoe hantle. Lula mono ho fihlela u bona monate oa Krete ho e mong le e mong oa bona. Molimo o tla u hlompha ka eona. Amen, hape amen.

Oh, ke rata seo. Shebang feela se etsahetseng morao mono!

321 Na e mong o teng ka mona ea sa kenang, ea tlamehang ho kena? Haeba a le teng, na u ka ema oa sala basebetsi bana ba sebele morao hantle ka hare? E etse, na u tla etsa joalo? Haeba e mong a le teng ka mona ea—ea sa utloeng hore—hore u moo u tlamehang ho ba teng.

322 Joale, hopola, moena, khaitseli, ha ke—ke khone ho phethisa sena. Ua bona, Molimo ke Oona O etsang lintho tsena, e seng 'na. Joale ke rapela Molimo ho le abela lintho tsena, le ho le fa e—e—e boiphihlelo ba kolobetso ea Moea o Halalelang.

323 Lona batho bohle ba ratang Morena Jesu joale, 'me le batla ho kena le ho rapela, e-eang morao mona joale le ho rapela le batho bana. Na le ka etsa joalo? Kea leboha. Kea leboha, ka mosa o moholo.

324 Le a tseba, ha ke bona basebetsi ba sebele ba tsamaea le batho, ke na le . . . Ke batla ho bua sena ka lona batho mona, hoo ho paka hore u entsoe ka eng. Nkile ka etela libaka, esita, le batho ba tlamehileng ba be ba tletse Moea, le ho bona ho mengoa aletare, 'me, khele, ha u khone ho kenya batho le mang, ho rapela le bona. Le a bona, hoo ho e supa e le *Ikabode*, "Moea oa Morena o tlohile." Le a bona? Empa ha u bona cheseho eo le Mollo le takatso, le ho labalabela meea ea batho!

325 Le a lemoha, vekeng eohle, ke nkile nako ea ka, 'me ka shebella temoho ea moea le lintho tse kang tseo, batho ba tle ba e tsoare 'me ba fumane hoba Moea o Halalelang o haufi, le ho memela aletare eo. Lōna bareri na le utloisisa seo ke neng ke se etsa? Le a bona, ho memela aletare joale ha ba ne ba kholisehile, joale makhola a bona a teng ka mono joale ho amohela Moea o Halalelang. 'Me ba bangata ba kene le bona, ho rapela le bona.

Joale haeba motho a le teng mona, e le hore . . .

326 Ke tla bua sena, hore le bone Boteng ba Kreste, vekeng ena, a Inetefatsa mona. Le 'Mone.

327 'Me joale le hopole, hore, ha ho mali a tla ba holim'a ka ka Letsatsi leo, haeba e le hosane. E tla ba, ka le leng la matsatsi ana. Hopolang feela, re tla ema Mono. Ho sa tsotelehe na u mang, u tla ema Mono, leha ho le joalo. "Motho o baletsoe ho shoa hang, 'me ka morao ho moo ke Kahlolo," 'me re tla ema Mono.

328 Joale haeba u sa kholiseha ka ho phethahala hore u na le Kreste, Moea o Halalelang ka pelong ea hau, 'me O Inetefatsa ka mono, ka lerato le khotso le thabo le ka litholoana tsa Moea, 'me Bophelo ba Kreste bo phela ka ho uena, hape, hopola, mali a hau ha a matsohong a ka. Le joalo Eena a ke ke a ba molato, hobane O hlahile ka pel'a lōna, le ho Iponahatsa mona hantle ka Mangolo. Ke ba bakae ba tla e paka, ka ho phahamisa letsoho la hau, ho re, "Ke E bone vekeng ena"? Ke hantle, le a bona, ha ho le joalo ha re na molato. Ha re na boitatolo.

329 Joale ba teng ba batlang, ba batlang ho tla? Ke tle ke bolele, ha nako ea ka e fihla ho itokisetsa ho tloha mona hosane, ha Morena a ratile, Nka re, "Ke lokolohile maling 'ohle a tsoang tsoseletsong eo. Ke sebelitse ka bokhabane ba ka, Morena. Ke e laeletsa ho Uena. Joale U mpe feela . . . e mong le e mong."

330 Joale ba kulang le ba hlokang ba bakae ka mona, 'me ba rata ho rapelloa, tloong re le bone le phahamisa matsoho a lona. Ho lokile, hohle holim'a mohaho.

331 Joale ke tla le kopa ho nketsetsa ho hong. Joale na le balumeli? Joale ke batla le nketsetse ho hong joale. Beanang

matsoho holimo. Beanang matsoho holimo, 'me joale, shebang, ke batla le rapele, rapelang feela.

³³² Joale hopolang, batho bohle ba tla kena moleng oa thapelo hosane, le tšoanetse le be mona pele ho nako, le tšoere setlankana sa thapelo. Se tšoareng letsohong la lona joale ha ho fihla nako ea mola joale. Haeba u na le moratuo, lona baena ba Methodise, Baptise, Presbeteriene, leha u ka ba mang, haeba u na le ba kulang, seo, uena—u tle hantle le bona, tloo hantle feela moleng le bona. Tloo u inkele setlankana sa thapelo, hobane. . . U ntano tlisa setlankana sa thapelo hantle moleng; liashara li tla se thonaka. Ba tla feta ba rapelloe.

³³³ Ke lumela Molimo a tla etsa lintho tse kholo hosane. Ke tšepa A le joalo. Lebaka leo ke bitsang aletare, ho etsa sohle seo nka se khonang, ho fumana mohau ho Eèna.

³³⁴ Joale re sa inamisa lihlooho tsa rōna bohle, 'me bohle le rapellana. Joale Bibe e boletse, "Mehlolo e tla tsamaea le ba lumelang ke eona ena." Joale rapella monna kapa mosali eo u 'mehileng letsoho, hoba ba ntse ba u rapella. Ua bona? U se ke ua ithapella. Ba rapelleng, Beanang matsoho holimo, le rapele. Bea matsoho a hau feela. Ke hantle.

³³⁵ Joale rapela ka tsela eo u etsang ka eona kerekeng ea hau. Ho re, "Morena Jesu, folisa moratuo enoa oa batho, khaitsetsi; moratuo enoa oa batho, moena; e ka bang mang. Ba kula, Morena. 'Me ke—ke molumeli, 'me ke tla latela Lentsoe la Hau. 'Me Lentsoe la Hau le itse, 'Mehlolo e tla tsamaea le ba lumelang ke eona ena. Ha ba bea bakuli matsoho, ba tla fola.' 'Me ke beha mokuli matsoho, motho enoa ea kulang, moena enoa ea kulang, khaitsetsi e kulang enoa. Ke—ke—ke a rapela, Molimo, hore U tle o thasisetse Lentsoe la Hau, 'me pontšo e tla latela, 'me ba fole."

³³⁶ Morena Jesu, ke a ba rapella, le lisakatuku tsena; hore, ka Lebitso la Jesu Krete, Mora oa Molimo, U tle u folise motho e mong le e mong ea ka pel'a Sefahleho se Khethehileng.

³³⁷ Satane, u hlotsoe ntoeng. Ba bone Boteng ba Krete. Ba utloile Lentsoe la Hae, ba Le bone le bonahatsoa. Baetsalibe ba ka hare ka mono, ba batla pholoso. O lahlehetsoe ke ntoa. Tsoa bathong bana, ka Lebitso la Jesu Krete. Ba tlohele, u se hlole u ba hloko-fatsa hape.

³³⁸ 'Me a Molimo oa Leholimo a ba tsose, ho boela ba phela, le katleho ea 'mele le matla. Bao ba tšoereng litlankana tsa thapelo ba ke ba tlameha le ho kena moleng oa thapelo, hosane. Moea o Halalelang o ke o susumetse sehlopha sena sa batho, le ho folisa e mong le e mong oa bona tlotlisong ea Molimo.

Joale tsoela pele, moena. 

64-0404 Jehovah-Jireh #3
4-H Club Barn
Louisville, Mississippi U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org